

ANNABI MUSA



The history of the prophet Moses in Bokobaru as recorded in the Ataura, in the book called Exodus.

Weetāna Isarailinɔa Iyipiti

Isaraili n  k  a  t  Iyipiti k n   de Yakubuo, baade k n a be gb nɔ t n ye: Rubeni, Sim , Levi, Yuda, Isaka, Zebuluni, Bey mi, Dani, Nafatali, Gada k n Asao. Yakubu borii p nɔ   pingi g n baaag  akurime. Yusufu s  g ake   ku Iyipiti k . Ben Yusufu g  k n a v inɔ k n gb  k  a  kuu a gur anɔ   pingi. Isarailinɔ n i w  k , a  k ara w  parik  maamaa, a  d  b su p la pingi.

Kina dufu k  Yusufu d roo kpatabl  Iyipiti, ben   b  a gb n ne:   Isarailinɔ gwa, a  parik  w  d wala. W  g  w   nd  daenzi le a ton kaararo y nzi. T  z  f e, a e na wa ib enɔ a  z k wao a e b e wa busun.

Ben w  gb nɔ dienn    diinɔ   a  weet mm  k n z  gb aa kenao. Len a  Pitomu k n Rameso k e Fili'aunan  a p blekaekiinɔ   le. M de dian w e  adaamm  n , len a eg  kaara le a e daagula, ben sw  k  Iyipitinɔn   y  musu. Ben w    d  z z  p s n w    n se y ka w  g  z  gb aa d nn  k n kunkub nanɔ k n bura z  pingio. W  z i p nɔ d nn  pingi p s p s .

Ben Iyipiti kina Eberu n seerinɔ sisi,   doo t n Sifira,   doo s  t n Pua.   b nn : T    n i Eberu n gb n ne sa, t  g gb me,     de. T  n gb me s ,     t . N gb  p nɔ Luda v a v , a e y  k     nn  kero, a e n g gb nɔ too. Ben kina p    sisi     la   b :   k  dia   k  le a n g gb nɔ t ? A  w la w  b : Eberu n gb n  de lan Iyipiti n gb nɔ b ro, a  w a, ai w g  g  k , a e n i. Len Isarailinɔ e kaara le a e parik u. Ben Luda y  maa k  n seeri p n ne     gb  nenɔ, k  a    v a v  y nzi.

Ben Fili'auna yādiē a gbēnwē n pingi à bè: À Eberu nēgōgbē kè wà n ino ka Nili ín n pingi, mōde à nenōgbēno tó.

Musa ina

Levi bori gōgbē Levi bori nōgbē sè. Nwō pì nwōsi à nē'i gōgbē ũ. Kè à è né pì maa, ben à à ùte mō aagō. Kè èe fō à à ùte dōro, à kēbu gbii sè à kōntaa lèa lē í ton gē à guuro. Ben à né pì dàn à gāa à diē Nili í lēa waa guu. Né pì dāree zē kāaa èe gwaa yā kè eé à le.

Ben Fili'auna nenōgbē gāa zu'o swaa pìzi, à gbēnwō e lili'oo swaa pì lēa. À gbii è diēna waan, ben à a zōnōkpare zī à gāa à à sè. Kè à wē, à né è dan, èe wōdō. À kēnē wēnda à bè: Eberu nēgōgbēmē. Ben né pì dāre mō à bè Fili'auna né pìne: Ní yezi mà gá mà Eberu nōgbē sisinne àgō yōkpaanne né pìan yō? À wèàla à bè: Ee, n gá! Ben nenōgbē pì gāa à né pì da sīsi. Fili'auna nenōgbē pì bène: Ní né pì sē n tao nōgō à gwaame, mégō fiaboonne. Ben à né pì sè à tào, èe à gwaa. Kè né pì bita kù, à à sè à gāao Fili'auna nenōgbē pìne, ben à à sī a né ũ. À tōkpāne Musa, zaake à bè, a à bō í guume.

Musa baale à tana Midiā busun

Zīkea kè Musa kè bita, à gāa a bori Eberunō gwa, ben à zī gbāaa kè aōwe kēe è. À è Iyipiti gbē e a bori daa gbēe. Kè à guu gwāgwa, èe gbēke ero, ben à Iyipiti gbē pì dè à à ùte busu'āatēn.

Kè guu dō, à bō à Eberunō è gōwn plaa, aōwe sweekeē. Ben à gbē kè à yā nnaroo là à bè: Bōyānzi nēe n gbēndoo gbēezi? À wèàla à bè: Dé bé à n diē ki yāgōgōri ũwee? Ní yezi n ma de lan

n Igpiti gbē dè nà n yɔ? Ben vĩa Musa kũ à bè: Wà yã kè má kè dǝ fa!

Kè Fili'auna yã pì mà, èe wɛtɛɛ à Musa de, ben à baalènɛ à tà Midiã busun, ben à vɛɛ lɔgɔ saɛ gwe. Midiã sa'ori nɛnɔgbɛnɔ vĩ gɔɔn swɛɛplaa, ben aɔ mɔ wà itɔ, aɔ kà pɔkãdeenɔ gbãngo imikiin ní de pɔkãdeenɔnɛ. Kè sãdãri kenɔ mɔ aɔɛ pɛɛmmá, ben Musa fɛɛ à yãsin̄yo, ben à í kpànné ní pɔkãdeenɔa. Kè aɔ tà ní de Rueli kiia, à ní la à bè: À kè dia a su ide le gbãa? Aɔ wèàla wà bè: Igpiti gɔgbɛ ke bé à wa si sãdãrinɔa. Àmbe se à itɔ à kpàwe wa pɔkãdeenɔa. Ben à ní la à bè: Adeɛ pì ku máme? Bɔyãnzɛ a gɔgbɛ pì tò gwezi? À à sisi à mɔ à pɔblewao. Musa mɔ, ben à wè à vɛɛ kɔn gɔgbɛ pìo, ben gɔgbɛ pì a nɛnɔgbɛ Zipora kpàa nɔɔ ũ. Ben Zipora nɛ'ì gɔgbɛ ũ, ben Musa tɔkpàne Gɛsɔmu, à bè: Gbɛ zĩtɔn ma ũ gbɛ pãndenɔ busun kè.

Kè à gikè, ben Igpiti kina gà. Isarailinɔɔ e mboo zɔzĩi kè aɔɛ kɛɛ yãnzɛ, aɔɛ wiilɛɛ, ben aɔ wii pì Luda lè. À ní mbona mà, à bà kè ku kɔn Ibraĩo kɔn Isaakuo kɔn Yakubuo e sãnlo. Luda Isarailinɔ gwà, ben aɔ kènɛ wɛnda.

Luda Musa sisina

Musa e a anzure Midiã bùsu sa'ori pɔkãdeenɔ dãa à vĩ gbaala ai à kà kpìii kè wè sisi Orɛbu kiia. Ben Dii Malaika bɔ à mɔzi tevura guu gyanton. Musa gyanto pì gwà à è tɛ kua, mɔde èe tɛkũro. Ben à bè: Mé gá mà dabuyã pì gwa mà dɔ pɔ kè tò gyanto pì e tɛkũuro. Kè Dii è à mɔ gwa, ben à lɛzùzi zaa gyanto pì guu à bè: Musa! Musa! Ben à wèàla à bè: Mae kè! Luda bènɛ: Nton sɔziro. N̄ n kyatee bɔbɔ, zaake guu kè ní zen ku adoname. Ben à bè: Mambe n dezinɔ Ibraĩ kɔn Isaakuo kɔn Yakubuo Luda

ũ. Ben Musa pɔ̀ kù a wéɛa, kè à Luda gwana vĩa vĩ yānzi. Ben Dii bè: Ma yǎ'ɔ̀amma kè ma gbēnɔ̀ kuo Iyipiti è, ma wiii kè aɔ̀ wɛɛtāmmarinɔ̀ tò aɔ̀ɛ lɛɛ mà. Má wahaa kè aɔ̀ kuo dɔ̀. Ma pita mà n̄ si Iyipitinɔ̀ mà n̄ bɔɛ b̄usu p̄in mà gányo b̄usu maa yaasan, guu kè zwi k̄ɔ̀n zɔ̀'io din, b̄usu kè Kanaanɔ̀ kun k̄ɔ̀n Itinɔ̀ k̄ɔ̀n Am̄arinɔ̀ k̄ɔ̀n Perizinɔ̀ k̄ɔ̀n Ivinɔ̀ k̄ɔ̀n Yebusinɔ̀. Isarailinɔ̀ wiilena kà ma kiia tia sa, ma ĩaa kè Iyipitinɔ̀ e daammá è. N̄ gá tia sa, ma n̄ zĩ Fili'aunaame lɛ n̄ ma gbē Isarailinɔ̀ bɔɛ Iyipiti. Ben Musa bè Ludane: Den ma ũ kè mé gá Fili'auna kiia mà Isarailinɔ̀ bɔɛ Iyipiti? Luda bène: Mégɔ̀ kunyo. Zĩna kè ma n̄ zĩi seedan yɛ. Tó n̄ n̄ bɔɛ Iyipiti, é d̄anzikeme kp̄iia kè kiia.

Ben Musa bè Ludane: Tó ma gaa má ò Isarailinɔ̀ne ma bè, aɔ̀ dezinɔ̀ Luda bé à ma z̄immá, tó aɔ̀ ma la n̄ tɔ̀zi s̄ɔ̀ né? Mé benné diame? Luda wèàla à bè: Mambe gbē kè má de à ũu ũ. N̄ onné kè mambe ma n̄ z̄immá. Luda bène dɔ̀: N̄ o Isarailinɔ̀ne kè mamɔ̀ma Dii aɔ̀ dezinɔ̀ Ibraĩ k̄ɔ̀n Isaakuo k̄ɔ̀n Yakubuo Luda bé à n̄ z̄immá. Ma tɔ̀n gwe gurɔ̀ pingi. Àgɔ̀ ma sisii lɛ ai a boriia. N̄ gá n̄ Isaraili gbēnsinɔ̀ kakɔ̀a n̄ onné kè mamɔ̀ma Dii aɔ̀ dezinɔ̀ Ibraĩ k̄ɔ̀n Isaakuo k̄ɔ̀n Yakubuo Luda bé à b̄ò à m̄nzi. N̄ onné kè méɛ n̄ ee ma yā kè wèe keenné Iyipiti è. Mé n̄ bɔɛ Iyipiti guu kè wèe wɛɛtāmmá p̄in, mé gányo b̄usu kè Kanaanɔ̀ kun k̄ɔ̀n Itinɔ̀ k̄ɔ̀n Am̄arinɔ̀ k̄ɔ̀n Perizinɔ̀ k̄ɔ̀n Ivinɔ̀ k̄ɔ̀n Yebusinɔ̀, guu kè zwi k̄ɔ̀n zɔ̀'io din. Aɔ̀é n̄ yāma. Mpi k̄ɔ̀n Isaraili gbēnsinɔ̀ à gá à Iyipiti kina lɛ à onɛ kè mamɔ̀ma Dii Eberunɔ̀ Luda ma bɔ̀ ma mɔ̀azi, ma bè à a gba zé à gá gurɔ̀ aagɔ̀ɔ̀ ke gbaan lɛ à saa'o mamɔ̀ma Dii a Ludaa. Má dɔ̀ kè Iyipiti kina é we à gáro, seto

ma gānàa. Mé ɔt̃ Igitinɔa, mé dabuyānɔ ke mà kpaoñzi, eé gbasa à a gbare. Mé to Igitinɔ a wée gwa, le tó ée taa, é ta ɔkoriro. A nɔgbē pingi kondogi ke vura nɔmaablebɔnɔ kɔn pɔkāsāanɔ gbeka a Igititi nɔgbē daa kɔn ní nɔgbē kè aɔ ku a bæenɔ, à da a nɛgɔgbēnɔnɛ kɔn a nenɔgbēnɔ. Len é Igitinɔ pɔnɔ simmá le maamaa.

Musa gbana dabuyākena zé

Musa wèàla à bè: Tó aɔɔe ma naanekero, ben aɔɔe ma yāmaro, tó aɔ bè mbe n bɔ n mɔmaziro sɔ né? Ben Dii a là à bè: Bɔn ní kūna gwee? À wèàla à bè: Gòmɛ. Dii bènɛ: Ñ gò pì pāɛ tɔtɛ. Kè à pāɛ, ben à lì mlě ũ, ben Musa b̀ru kpɛɛ. Dii bènɛ: Ñ ɔbɔ n kū à vlāa. Kè à kù, ben à èara à lì gò ũ à ɔzĩ. Dii bènɛ: Len né ke le, le aɔ si kè mamɔma Dii aɔ dezino Ibraĩ kɔn Isaakuo kɔn Yakubuo Luda bé à b̀ à m̀nzi.

Dii èara à bènɛ ɔ: Ñ n ɔɔ sɔɔ n utan. Ben à s̀tɔn. Kè à b̀, à è a ɔɔ lì kusu ũ, à kè púu lan buu bà. Dii bènɛ: Ñ èara n n ɔɔ sɔɔ n utan. À èara à s̀tɔn. Kè à b̀, à è à kè a gben. Dii bènɛ: Tó aɔɔe n naanekɛ wà seeda kaakupɔ sìro, aɔé à zāa pó si. Tó aɔɔe seeda plaaa pìnɔ si wà n yāmà s̀ro, n Nili í tɔ n kwɛɛ tɔtɛ, eé li aru ũ.

Ben Musa bènɛ: N yā nna Dii! Zaa zi yā'ona aagamaoro. Baa zaa gurɔ kè n yā'òmɛ, ma lé tiisimɛ. Ben Dii bènɛ: Dé bé à lé d̀ gbēnteenɛ? Dé bé è à nɛnɛ naɛ ke è à swādo kūu? Dé bé è to à guu'e ke è à v̀akūu? Mamɔma Dii, mambeeroo? Ñ gá! Mé n ĩanka yā'onao, mé yā kè né oo danɛ. Ben à bè: N yā nna Dii! N yā nna! Ñ gbē pānde zĩ. Ben Dii pɔfè Musazi à bè: N ṽi Aruna Levi borii kuuroo? Má d̃ kè yā'ona zĩūoro. Èe mɔɔ danɛ. Tó à

wɛɛsɪnɛ, à pɔɔ é ke nna. Ñ yǎ'oo ñ yǎ kè eé oo danɛ. Mapi, méǵɔ à ïanka kɔ̃n yǎ'onao, méǵɔ yǎ kè é keɛ daaare. Eé yǎ'o gbɛ̃nɔnɛ n gɛɛ ù, eéǵɔ de n legbɛkpari ù, néǵɔ denɛ lan Luda bà. Ñ gò kè sɛ ñǵɔ kùna ñ seedanɔ keo.

Musa ɛarana Igipiti

Musa tà a anzure Yetoro kiia à bène: Ñ ma gba zé mà ta ma gbɛ̃nɔ kiia Igipiti, mà e to aɔɔ kpɛ ku wɛ̃ndio ai tia. Yetoro bène: Ñ pita aafia. Àɛ sɔ̃ Dii ǵiake à bè Musanɛ Midiǎ busun: Ñ fɛɛ ñ ta Igipiti, zaake gbɛ̃ kè aɔɔɛ n wɛtɛɛ wà n de yǎanɔ gàga ñ pingi. Ben Musa a naɔ sè kɔ̃n a nɛǵɔgbɛ̃nɔ à ñ dí zaakia, à liara èe taa Igipiti à Luda gò pì kùna. Ben Dii bène: Tó n ka Igipiti, ñ dabuyǎ kè ma à gbǎakpàmmaanɔ ke Fili'auna aɛ pingi. Mɔde mé à kugbǎakù, eé gi gbɛ̃nɔ gbarezi. Ñ onɛ mamɔma Dii ma bè, Isaraili boriin ma daudu ù, ben ma bène à ma daudu gbare à gá dɔnzikɛmɛ. Lan à gí à gbarezi nà, mé à daudu de sa.

Zé guu Musa e ii gukea, ben Dii à lè gwe à yezi à à de. Ben Zipora gbe fɛɛ sè à a né bǎngukèo à a gefɔɔ nà Musa gbaa à bè: Yǎpuramɛ, ñ demɛ ǵɔ arudee ù. Bǎngukɛna beee yǎnzin à bène ǵɔ arudeezi. Ben Dii Musa tò.

Dii bè Arunane: Ñ gá da Musalɛ gbaan. Ben à gaa à à lè Luda kpìii kiia, à lɛpè à gasua. Musa yǎ kè Dii a zǐ à oo tǔkè Arunane kɔ̃n seeda kè à bène à keɛnɔ. Ben Musa kɔ̃n Arunao tà Igipiti aɔ̃ Isaraili gbɛ̃nsinɔ kàkɔ̃a. Aruna yǎ kè Dii ò Musanɛ tǔkènné ñ pingi, ben Musa dabuyǎ pìnɔ kè Isarailinɔ wáa. Aɔ̃ yǎ pì sì. Kè aɔɔ mà Dii bé à mò ñ gwa à ñ yǎ'ɔamma è, ben aɔ̃ kùɛ wà dɔnzikène.

Musa kōn Arunao gana Fili'auna aezĩ

Beee gbera Musa kōn Arunao gaa wà Fili'auna lè aã bène: Yã kè Dii Isarailinɔ Ludaà òn ye. À bè n a gbēnɔ gbare aã gá zĩbaa keare gbaan. Fili'auna wèñla à bè: Den Dii ũ kè mà à yāma mà Isarailinɔ gbarɛ? Má Dii dōro. Mé Isarailinɔ gbarero. Ben aã bène: Eberunɔ Luda bé à bò à mɔwazi. N wa gba zé wà gá wà gurɔ aagɔɔ ke gbaan wà saa'o Dii wa Luda pìà, le àton gyāa káwaguro kesɔ zĩ. Ben Igititi kina pì bè Musa kōn Arunaone: À kè dia á tò gbēnɔ laakari e goo n zĩia? À sɔkpa a zĩia. Ben à èara à bè: Kè gbēnɔ parikũ sa, ben á yezi aã kammabo kōn n zĩio?

Zĩ beea Fili'auna yādie Isaraili wɛɛtāmmarinɔne kōn n dɔn'aedeeno à bè: Àton sēburu kpammá aã kunku bɔ lan eè ke nà yā dɔro. Aã gá wà n pɔ kē nĩzĩnda. Mɔde aã kunku bɔ lan aãè bɔ nà yā len. Àton lagonnéro, zaake mɛadeenɔmɛ. Beee yānzi aã wiii ègɔ dɔ, aãce bee wà yezi wà gá saa'o n Ludaazi. À zĩi kaaranné le aãton ãampakii e aã laakari kpa egɛyānɔa dɔro.

Ben aã wɛɛtāmmari pìnɔ kōn n dɔn'aedeeno mò aã bènné: Fili'auna bè wàton sēburu kpaawa dɔro. À gá à wɛɛ azĩnda guu kè é en. Baa kōn beeeo wé zĩi lagoarero, baa fete. Ben aã fāakɔa wà gaa Igititi gu pingi sē kē sēburu ũ. Aã wɛɛtāmmari pìnɔ ègɔ nakɔrɛmmá lan guu e dɔɔ nà, le aã n zĩ nɛ lan aãè nɛ nà gurɔ kè wèè sēburu kpaammá. Wà gbēna kè Isaraili dɔn'aedee kè aã wɛɛtāmmarinɔɔ diɛnɔne wà bènné: À kè dia ée kunku bɔ gbàa ke gĩa à kà lan wà a lé diɛare nà yāroo? Ben Isaraili dɔn'aedeeno gaa wà wiilè Fili'aunaa wà bè: À kè dia nɛe kɛɛ wamɔwa n zɔblerinɔne lɛɛ? Wèè sēburu kpaawa dɔro, ben wèè bee wà kunku bɔ. Wèè wa gbɛɛ, mɔde n gbēnɔ bé wà taari vī. Ben à bè:

Mɛadeenɔn a ũ. Len á de le! Beee yānzi eègõ bee é gá saa'o Diiazi. À gá zīike. Weé sēburu kpaawa dɔro, baa kōn beeeo é kunku bɔ lan wà dàare nà lemme.

Kè wà ò Isaraili dɔn'aɛdeenɔnɛ aɔton gurɔ doo kunkubɔna lagoro, aɔw dǝ kè wà yā è sa. Kè aɔ bɔ Fili'auna kiia, aɔ dākɔre kōn Musao kōn Arunao, aɔwe n dāa, ben aɔ bènné: Dii a yā gwa à yākpaekeao, zaake á tò Fili'auna kōn a gbēnɔw ye wa kāziro. A wa dena gbāakpammán gwe. Ben Musa liara à gàa à bè Diine: Dii, bɔyānzi n iadà gbē pìnɔa? Beee yānzin n ma zīziɔ? Zaa gurɔw kè ma gaa ma yā'ò Fili'aunanɛ kōn n tɔo, ben èe iada n gbēnɔa, ben née n bɔ sɔro né!

Dii legbēna Musane Isarailinɔ misina yā musu

Ben Dii bène: Né yā kè mé ke Fili'aunanɛ e tia. Eé n gbarɛ ma gbāa bita yānzi. Eé pemmá a busun ma gbāa bita yānzi. Ben Luda èara à yā'ò Musane à bè: Mambe Dii ũ, ma bɔ ma mɔ Ibraĩ kōn Isaakuo kōn Yakubuozi Luda Gbāapingide ũ, mɔde aɔwe ma dɔ ma tɔ Diiaro. Ma bà kuńyo, ma bè mé Kanaa b̀usu kè aɔw ku à guu gbē zītɔ ũ kpammá. Ma Isarailinɔ mbona mà aɔ zɔblena Igititinɔnɛ yānzi, ben ma bà kè kuńyo pì yā e sāmaguro. Beee yānzi n o Isarailinɔnɛ kè mambe Dii ũ. Mé a bɔ zī gbāaa kè Igititinɔw dàaree guu, mé a bɔ zɔbleen. Mé yākpaekeńyo mà a bɔ kōn ma gāsã gbāaa. Mé a se ma gbēnɔ ũ, mégõ de a Luda ũ, égõ dɔ kè mambe Dii a Luda kè à a bɔ Igititi zī gbāaa guu ũ. Mé gáao b̀usu kè ma à legbē Ibraĩne kōn Isaakuo kōn Yakubuo guu. Mé a gba àgõ vī. Mambe Dii ũ.

Musa yā pì ò Isarailinɔnɛ, mɔde aɔwe à yāmaro kè zɔzī pāsī n mè yè yānzi. Ben Dii ò Musane à bè: Nè gá n o Igititi ki

Fili'aunane à Isarailinɔ gbare aã bɔe a busun. Ben Musa wè Diila à bè: Lan Isarailinɔ è ma yãmaro nà, mamɔma kè ma lé tiisi, dian Fili'auna é ma yãma nà?

Musa kɔn Arunao bori bɔzia

Dii yã'ò Musane kɔn Arunao Isarailinɔ yã musu kɔn Igititi kinao, à ònné aã bɔe kɔn Isarailinɔ Igititi. Aã bori uabede kaakunɔ tɔn ye. Isaraili daudu Rubeni negɔgbɛnɔn ye: Anɔku, Palu, Ezerɔnu, Kaami. Rubeni boriinɔn gwe danɛdane. Simeɔ negɔgbɛnɔn ye: Yemueli, Yami, Oada, Yakĩ, Zoa kɔn Kanaa nɔgbɛ né Soluo. Simeɔ boriinɔn gwe danɛdane. Levi negɔgbɛnɔ tɔn ye aã boriinɔa: Gesɔnu, Koa, Merari. Levi kè wè baswɛedo akuri aweeswɛeplaame. Gesɔnu negɔgbɛnɔn ye aã boriinɔa danɛdane: Libini kɔn Simeio. Koa negɔgbɛnɔ tɔn ye: Amlamu, Iza, Eblɔnu, Uzieli. Koa kè wè baswɛedo akuri awee'aagɔme. Merari negɔgbɛnɔn Mali kɔn Musio ũ. Levi boriinɔn gwe danɛdane.

Amlamu a dasè Yɔkebedi sè nɔɔ ũ, ben à Aruna kɔn Musao ò. Amlamu kè wè baswɛedo akuri aweeswɛeplaame. Iza negɔgbɛnɔn Kora kɔn Nefegio kɔn Zikirio ũ. Uzieli negɔgbɛnɔn Misaili kɔn Elezafão kɔn Sitirio ũ. Aruna Aminadabu né Eliseba, Nasɔ dãre sè nɔɔ ũ, ben à Nadabu kɔn Abiuo kɔn Eleazao kɔn Itamao ò. Kora negɔgbɛnɔn Asi kɔn Elekanao kɔn Abiasafao ũ. Kora boriinɔn gwe danɛdane. Aruna né Eleaza Putieli nenɔgbɛnɔ doke sè nɔɔ ũ, ben à Fineasi ò. Levi bori uabede kaakunɔn gwe danɛdane.

Aruna kɔn Musa kè Dii ònné aã Isarailinɔ bɔe Igititi gãli kɔn gãlion gwe. Aɔpinɔ bé wà yã'ò Igititi ki Fili'aunane le aã

Isarailinɔ bɔɛ Igititi. Kɛ Dii yã'ò Musane Igititi, à bè ambe Dii ũ, yã kè ée oonen à o Fili'aunane pingi. Ben Musa bène a lé tiisi, dian Fili'auna é a yãma nà?

Kisia men kuri zīna Igititia

Ben Dii bè Musane: Ñ gwa! Ma n ke lan ma bà Fili'aunane, bensɔ n vīi Aruna de n legbɛkpari ũ. Ñ yã kè má ònne pingi o n vīi Arunane, eé o Fili'aunane à Isarailinɔ gbare aɔ bɔɛ a busun. Baa kɔn beeeo mé à kugbãakũ. Mé seedanɔ kɔn dabuyãno ke Igititi pari, mɔde Fili'auna é a yãmaro. Mé ɔtɔ Igititia mà yãkpaekɛnyo pãsipãsi, mé bɔ kɔn ma zīkpe Isarailinɔ. Tó ma bɔ ma gbãaao Igititia, mé Isarailinɔ bɔen, Igititinɔ é dɔ sa kè mambe Dii ũ. Ben Musa kɔn Arunao kè lan Dii ònné nà. Gurɔ kè aɔ yã'ò Fili'aunane, Musa kuu wè basiigɔ, Aruna sɔ wè basiigɔ awee'aagɔ.

Ben Dii bè Musane kɔn Arunao: Tó Fili'auna dabuyã gbɛkamma, ñ o Arunane à a gò se à pãe à aɛ, eé li mlɛ ũ. Kè Musa kɔn Arunao gàa Fili'auna kiia, aɔ kè lan Dii ònné nà. Aruna a gò sè à pãe Fili'auna kɔn a ibanɔ aɛ, ben à li mlɛ ũ. Ben Fili'auna Igititi wezɛrinɔ kɔn ɛzɛdeenɔ sisi, ben aɔ dabuyã dɔnkɔ pinɔ kè se ní ɛzɛdekɛɛ guu. Kè aɔ baade a gò pãe, ben aɔ gò pinɔ li mlɛno ũ, ben Aruna gò ní pɔno mòmɔ. Fili'auna swã gbãa, èe ní yãmaro lan Dii ò nà.

Íno lina aru ũ

Dii bè Musane: Fili'auna kù gbãa à gí gbɛno gbarezi. Ñ gá ñ à le zia kɔngɔ gurɔ kè èe gaa swaazi. Ñgɔ à dãa Nili sae gwe. Ñgɔ n gò kè li mlɛ ũu pì kũna. Ñ bene mamɔma Dii Eberunɔ

Luda ma n zĩa, ní òne à ma gbēno gbare aõ gá dɔnzikeme gbaan, mɔde ai tia à gìmazi. Mamɔma Dii ma bè, yã kè eé to àgõ dõ kè mambe Dii ũun ye. Tó n Nili í lè kɔn gò kè ní kũnao, eé li aru ũ. Kpɔ kè aõ ku í pì guuno é gaga, Nili í é gũu sɔ, Igitipino é fua wà mi.

Ben Dii èara à bè Musane: Nè o Arunane à a gò se à dɔ Igitipi inɔla, aõ swaanɔ kɔn ní swa'oneno kɔn ní ibɔkiino kɔn ní ikakiino pingi é gõ aru ũ. Aru égõ dagula Igitipi, baa kpɛeno kɔn orozã guuno.

Ben Musa kɔn Arunao kè lan Dii ònné nà. Aruna a gò pì sè, à Nili í lèo Fili'auna kɔn a ibanɔ wáa, ben í pì gõ aru ũ pingi. Kpɔ kè aõ ku à guuno gàga, ben Nili í pì gũu sɔ, Igitipino fua wà mi. Aru dagula Igitipi. Igitipi èzèdeeno kè le se ní èzèdekeke guu, ben Fili'auna kugbãakù, èe ní yãmaro lan Dii ò nà. Fili'auna liara à tà a be, èe yã pì da sero. Igitipino ibɔkii yõyõ Nili baa le wà imi, zaake aõe fõ wà swada imìro. À kuu le ai guro swɛplaame Dii Nili lena gbera.

Blòno dagulana

Ben Dii bè Musane: Nè gá n o Fili'aunane, mamɔma Dii ma bè à ma gbēno gbare aõ gá dɔnzikeme. Tó à gì ní gbarezi sɔ, mé to blɔno da à bùsu gu pingila. Blòno é Nili pa ai aõ bikũ baa, aõé gẽ à ua guu ai à kpen, aõé didi à gádoa. Aõé gẽ à ibanɔ uano guu kɔn à gbēno uano. Aõé ka à kiiɔ kɔn à góno guu. Blòno é didia kɔn à gbēno kɔn à ibanɔ ní pingi.

Dii èara à bè Musane: Nè o Arunane à a gò se à dɔ swaanɔla kɔn swa'oneno kɔn ibɔkiino, blɔno é da Igitipi bùsula. Kè Aruna

a gò dò Igipiti inɔla, ben blɔnɔ bɛ wà dà bùsu pìla. Ben ẽzẽdee pìnɔw kè le se ní ẽzẽdekeɛ guu, aɔw tò blɔnɔ dà Igipitila.

Ben Fili'auna Musa kɔn Arunao sisi à bè: À agbaakpa Diine à blɔnɔ kɛma kɔn ma gbɛnɔ, mé a gbɛnɔ gbare aɔ gá saa'oa. Ben Musa bè Fili'aunane: N̄ gurɔw dieme mà agbaakpanne Diine kɔn n ibanɔ kɔn n gbɛnɔ, le à blɔnɔ kɛmma kɔn n uanɔ aɔégɔ ku swaazi ado. Fili'auna bè: Zia. Ben Musa bè: Eé ke lan ní ò nà le ñgɔ dɔ kè gbẽkee de lan Dii wa Luda bàro. Blɔnɔ é kɛmma kɔn n uanɔ kɔn n ibanɔ kɔn n gbɛnɔ aɔégɔ ku swaazi ado.

Kè Musa kɔn Arunao gù Fili'auna kiia, Musa weekè Diia blɔ kè aɔ dà Fili'aunalaanɔ yā musu. Dii Musa weekeɛ sɪ, ben blɔnɔ gàga kpenɔ guu kɔn uanɔ kɔn buraanɔ. Wà ní kakakɔa, ben bùsu gūu sɔ pingi. Kè Fili'auna è à kè sã, à swã kpe gbãa, ben à gɪ Musa kɔn Arunao yāmazi lan Dii ò nà.

Gāi dagulana

Dii bè Musane: N̄ o Arunane à a gò sé, à tɔɔte léo, busuti é li gāi ũ Igipiti gu pingia. Ben aɔw kè le. Aruna a gò sè à tɔɔte lèo, ben busuti li gāinɔ ũ, aɔw dà gbɛnteenɔla kɔn nɔɔnɔ. Igipiti busuti li gāinɔ ũ pingi. Ẽzẽdeenɔw yɔ wà gwà se ní ẽzẽdekeɛ guu, ben aɔw fua. Gāinɔ dà gbɛnteenɔla kɔn nɔɔnɔ. Ben ẽzẽdeenɔw bè Fili'aunane: Luda ɔgbeme. Mɔde Fili'auna swã kpe gbãa, à gɪ ní yāmazi lan Dii ò nà.

Ifiɪnɔ dagulana

Dii bè Musane: N̄ fɛɛ kɔngɔ ide'ide n̄ gá n̄ Fili'auna le gurɔw kè èe gaa swaazi, n̄ onɛ mamɔma Dii ma bè, à ma gbɛnɔ gbare aɔw gá dɔnzikeme. Tó à gɪ ní gbarezi, mé ifiɪnɔ daàla kɔn à ibanɔ

kɔ̃n à gbɛ̃nɔ̃ kɔ̃n à kpɛ̃nɔ̃. Iɣipiti kpɛ̃nɔ̃ é pa kɔ̃n ifĩinɔ̃, baa tɔ̃tɔ̃e aɔ̃é daàla. Gurɔ̃ beee mé Gos̃é b̃usu guu kè ma gbɛ̃nɔ̃ kun tó ado. Gwen ifĩinɔ̃ é dan gularo, le àgɔ̃ dɔ̃ kè mambe Dii ũ à busun. Mé ma gbɛ̃nɔ̃ dɔ̃kɔ̃zi kɔ̃n à gbɛ̃nɔ̃. Zian seeda pì é ke.

Ben Dii kè le. Ifĩinɔ̃ kà Fili'auna ua guu kɔ̃n à ibanɔ̃ uanɔ̃. Iɣipiti yàka pingi ifĩinɔ̃ yānzi. Ben Fili'auna Musa kɔ̃n Arunao s̃isi à bè: À gá saa'o a Ludaa b̃usu kèn. Ben Musa bè̃nɛ: Eé si ke wà ke lero, zaake pó kè wé saa'oo Dii wa Ludaa pì de Iɣipitinɔ̃ne t̃è ũmɛ. Tó wa saa'ò kɔ̃n pó kè denné t̃è ũuo ní wáa, aɔ̃é wa papa gbeo wà wa dederoo? Wé taa'o gbaan gurɔ̃ aagɔ̃mɛ, wé gbasa wà saa'o Dii wa Ludaa lan à òwe nà. Ben Fili'auna bè: Mé a gbare à gá saa'o Dii a Ludaa gbaan, mɔ̃de àton gá z̃àro. À agbaa kpanemɛ sa. Musa bè̃nɛ: Tó ma ta, mé agbaakpane, eé ifĩinɔ̃ k̃emma zia kɔ̃n n ibanɔ̃ kɔ̃n n gbɛ̃nɔ̃. Mɔ̃de òton mɔ̃nafikike d̃oro. Ñ to gbɛ̃nɔ̃ gá saa'o Diia. Kè Musa b̃ò Fili'auna kiia, à agbaakpane Diine. Dii à w̃ekekɛ s̃i, ben ifĩinɔ̃ kè Fili'aunaa kɔ̃n a ibanɔ̃ kɔ̃n a gbɛ̃nɔ̃. Èe gɔ̃ gukearo, baa men do. Mɔ̃de Fili'auna sw̃ã kpe gb̃aa ai tia, à g̃i ní gbarezi.

Pɔ̃kãdeenɔ̃ gagana

Dii bè Musane: Ñ gá ñ Fili'auna le ñ onɛ Dii Eberunɔ̃ Luda bè à ma gbɛ̃nɔ̃ gbare aɔ̃ gá d̃anzikemɛ. Tó à g̃i ní gbarezi, tó à kpe ní k̃una ai tia, mé ɔ̃t̃ɔ̃ à pɔ̃kãdeenɔ̃a bura. Mé gagyã p̃ās̃i ka à s̃ɔ̃nɔ̃n kɔ̃n à zaakinɔ̃ kɔ̃n à lakuminɔ̃ kɔ̃n à z̃unɔ̃ kɔ̃n à s̃ānɔ̃ kɔ̃n à bl̃enɔ̃. Mé Isaraili pɔ̃kãdeenɔ̃ dɔ̃kɔ̃zi kɔ̃n Iɣipitinɔ̃ pɔ̃nɔ̃. Isarailinɔ̃ pɔ̃kãdeenɔ̃ ke é garo. Mamɔ̃ma Dii ma à gurɔ̃ d̃ie. Zian mé beee ke b̃usu kèn.

Kè guu dò, ben Dii kè le. Igitipinɔ ɔkãdeenɔ gàga pingi, mɔde Isarailinɔ ɔkãdeenɔ kee e garo. Fili'auna yã kè kè pì gbèka, à mà Isarailinɔ ɔkãdeenɔ kee e garo, mɔde à swã kpe gbãa, à gì gbě pìnɔ gbarezi.

Bɔgĩ kana Igitipinɔn

Dii bè Musane kɔn Arunao: À mɔdakpe tubu kɔ ɔkũ doodo, Musa fã Fili'auna ae. Eé da Igitipi búsula pingi lan lutě bà, eé ka gběnteenɔn kɔn nɔbɔnɔ bɔgĩ ù gu pingia. Ben aɔ mɔdakpe tubu sèe aɔ gàao Fili'auna kiia. Kè Musa tubu pì fã musu, ben à kà gběnteenɔn kɔn nɔbɔnɔ bɔgĩ ù. Ĕzědeenɔ e fĩ wà gàa Musa kiiaro bɔgĩ pìnɔ yãnzì, zaake à dàńla kɔn Igitipinɔ n pingi. Ben Dii Fili'auna kù kè gbãa lan à ò Musane nà, ben à gì n yãmazi.

Lougbe mana

Dii bè Musane: Ñ fɛɛ kɔngɔ ide'ide ñ gá ñ Fili'auna le, ñ one mamɔma Dii Eberunɔ Luda ma bè à ma gběno gbare aɔ gá dɔnzikeme. Tia sa mé yã pãsí pingi daàla kɔn a ibanɔ kɔn à gběno, le àgɔ dɔ kè anduna guu pingi gběkee de lan ma bàro. Zaake tó ma ɔtɔmmá ma gagyãa kàngu yã, le àpi kɔn a gběno yãa anduna guu. Ma à kà kpatan le mà a gbãaa ɔdɔane, wà ma tɔkpa anduna guu pingi. Lan èe azĩnda see lezĩ de ma gběno la nà ai tia, èe n gbarero, zia mɔndaa'i mé to lougbe pãsí ma maamaa, lougbe kè a taka e ma Igitipi zikiro zaa lan wà à kàe nà ai mɔna gbãa. Ñ one à gběno zĩ aɔ à ɔkãdeenɔ kɔn pɔ kè à vĩ buraanɔ see wà kaka kpen pingi. Gběnteenɔ kɔn pɔ kè aɔ ku baazinɔ, tó wèe gěnyo kpenlo, lougbe é mammá aɔé gagame.

Fili'auna iba kenɔ vɪakè Dii yãne, aã n̄ zĩkerinɔ kɔn n̄ pɔkãdeenɔ kàka kpen. Mɔde gbẽ kè aãɔe Dii yã daroonɔ n̄ zĩkerinɔ kɔn n̄ pɔkãdeenɔ tò baazi. Ben Dii bè Musane: N̄ ɔse musu, lougbe é ma gbẽnteenɔ kɔn pɔkãdeenɔ kɔn bura pɔnɔa Iyipiti bùsu gu pingia. Kè Musa a gò d̄ò musu, Dii tò lou e pũtãa èe maa kɔn gbɛo èe pii, ben laa e pɛɛ tɔtɛa. Dii tò lougbe mà Iyipitinɔla. Lougbe e maa, lou e pii. Lougbe pì pãsí. Zaa lan Iyipiti bùsu kuu nà, lou beee taka e ma zikiro. Lougbe pì pó kè ku baazi Iyipiti bùsu guunɔ asarukè pingi, gbẽnteenɔ kɔn pɔkãdeenɔ kɔn bura pɔnɔ pingi. À s̄ete linɔ è'e pingi. Gos̄e bùsu guu kè Isarailinɔ kunn lougbe pì e kanlo ado.

Fili'auna Musa kɔn Arunao s̄isi à bènné: Tia sa ma durunkè. Dii yã bé à nna, mapi kɔn ma gbẽnɔ taarideenɔn wa ũ. À agbaakpane. Lapatana kɔn lougbe kekiiò mò le. Mé a gbare sa, mé giare d̄ɔro. Musa bène: Tó ma bɔ wete kpee, mé ma ɔɔnɔ d̄ò Dii kukiia, lapatana é ze, lougbe é yãa, le ñḡɔ d̄ɔ kè tɔtɛ né Dii pɔme. Mɔde má d̄ɔ kè mpi kɔn n̄ ibanɔ, ée v̄iakɛɛ Dii Ludanero ai tia.

Nagã kɔn gbadoo yàka, zaake nagãa gĩake à pià, gbadoo mɔree b̄ò. Ése kɔn weaao e yakaro kè aãè ma zãa yãanzi. Musa b̄ò Fili'auna kiia à gàa wete kpee à a ɔɔnɔ d̄ò Dii kukiia, ben lapatana kɔn lougbeo zè, lou e ma d̄ɔro. Kè Fili'auna è lou kɔn lougbeo kɔn lapatanao zè, ben à kpe èe durunkɛɛ, à swã kpe gbãa, àpi kɔn a ibanɔ. À kù kpe gbãa à ḡi Isarailinɔ gbarezi lan Ludaa dà Musane à òne nà.

Sutēno dagulana

Dii bè Musane: Ñ gá Fili'auna kiia, zaake ma à kugbākù kōn à ibanɔ, le mà a dabuyā kekiino ke ní te, le ñ e ñ o n nenɔne kōn n dionɔ lan ma wētā Igitino nà kōn dabuyā kè má kè ñ tenɔ, àgō dō kè mambe Dii ũ. Ben Musa kōn Arunao gāa wà bè Fili'aunane: Dii Eberunɔ Luda bè négō kuu mīsienaare sai ai bɔreme? Ñ a gbēno gbare aō gá dɔnzikeare. Tó n gi ní gbarezi, zia eé sutēno ka n busun. Aōé da tɔtela, weé guu'ero. Aōé læ pó kè gōnne lougbe gberaanɔ kōn lino pingi. Aōé pa n kpeno guu kōn n ibanɔ pɔno kōn Igitino pɔno pingi. N denɔ kōn n dezino e à taka e zikiro zaa gurɔ kè aō vèè bùsu kèn ai mɔna gbāa. Ben Musa liara à bò Fili'auna kiia.

Fili'auna ibanɔ bène: Gbē pino égō mɔnzikpaawazi le ai bɔreme? Ñ gbē pino gbare aō gá dɔnzike Dii ní Ludane. Ní dō kè Igititi kàateroo? Ben wà èara wà sù kōn Musao kōn Arunao Fili'auna kiia, à bènné: À gá dɔnzike Dii a Ludane. A denɔ bé wé gāa? Musa wèàla à bè: Né fete gbēnsi. Wé gá wa pingime kōn wa negōgbēno kōn wa nenɔgbēno kōn wa sāano kōn wa bleno kōn wa zuno, zaake Dii zībaan wée gaa ke. Ben à bènné: Tó ma a gbare kōn a nɔgbēno kōn a nenɔ a pingi, asarume, Dii a bɔ! À laakarike! Ée wetee à fēmaome. Auo! A gōgbēno bé wé gá dɔnzike Diine, zaake len á gbèka le. Ben wà pèmmá Fili'auna aezí.

Dii bè Musane: Ñ n ɔɔ dɔ Igititi bùsula, sutēno é ka wà sē kōn lá kè bɔe lougbe gberaanɔ ble pingi. Kè Musa a gò dò Igititila, Dii bò kōn ñao ɔfāntēbɔe kpa, èe paa bùsu pìà fāantē kōn gwāavīo zena sai. Ke guu dò, ɔfāntēbɔe ña pì sù kōn sutēno.

Ben sutē pìnɔ mò wà dà Iyipiti b̀sula pingi. Aã pari de à yã pɔnɔla, à taka é ke ziki d̄ro. Aã dà tɔtela gu pingi, ben tɔte siakũ. Aã sē k̄n lanɔ k̄n libeε kè b̀ lougbe gberaanɔ blè pingi. Sē k̄n láo ku Iyipiti busun d̄ro.

Gwe ḡɔ Fili'auna Musa k̄n Arunao s̄si à bè: Ma durunkè Dii a Ludane k̄n apinɔ. À s̀u ḡn doo kekii keme k̄n ma durun- o à agbaakpame Dii a Ludane à gagana kekii k̄ma. Kè à b̀ Fili'auna kiia, à agbaakpà Diine. Ben Dii b̀ k̄n ãa gbãaao ɔfãnt̄ḡkpen kpa, à mò à sut̄nɔ s̄e à kà Isia T̄aan. Baa sut̄ men doo e ḡ Iyipiti d̄ro. M̄de Dii Fili'auna k̀ kè gbãa, ben à g̀ Isarailinɔ gbarezi.

Gusia dana Iyipitila

Dii bè Musane: Ñ ɔse musu, gusiaa kè weé f̄ wà ɔkea é da Iyipitila. Kè Musa a ɔ d̄ musu, ben gusia niginigi dà Iyipiti gu pingia ai guro aaḡ. Wè k̄ ero, gb̄kee e gu a gbenlo ai guro aaḡɔ p̄a. M̄de gupuraa ku guu kè Isarailinɔ kun pingi.

Ben Fili'auna Musa s̄si à bè: À gá d̄nzike Diine k̄n a nɔgb̄nɔ k̄n a nenɔ a pingi, m̄de à a s̄aanɔ k̄n a bl̄nɔ k̄n a z̀nɔ tó. Musa bè: Ñ to wàḡ wa sa'opɔnɔ k̄n sa'opɔ kè wè ka ten à tekũnɔ k̄na, le wà e wà Dii wa Luda gb̄gb̄o. Seto wà gá k̄n wa p̄k̄adeenɔ, baa men doo é ḡro, zaake aã ten wé sa'opɔnɔ b̄n wà Dii wa Luda gb̄gb̄o. Le wà kpe wà ka gwe, wá d̄ p̄ kè wé se wà saa'ooa ḡaro. Dii Fili'auna kugb̄akũ, è we à ñ gbarero. Fili'auna bè Musane: Ñ gu ma ae! Ñton to wa weeke siiḡ d̄ro. Z̄ kè wa weesik̄le, n game. Ben Musa bè: Lan ñ ò nà, né weesimale d̄ro.

Igipiti daudunɔ gagana yã

Àe sɔ̄ Dii gĩake à bè Musane: Mé ãada Fili'aunaa kɔ̄n Igipiti b̀usuo gẽn do dɔ, eé gbasa à a gbare. Tó èe a gbaree, eé peawame! Ñ o gbẽnɔne aã baade gɔ̄gbẽ kɔ̄n nɔ̄gbẽo kondogi pɔ̄nɔ kɔ̄n vura pɔ̄nɔ gbeka a Igipiti gbẽdaaaaa. Mé to Isarailinɔ ke Igipitinɔ nna. Musa sɔ̄ ègɔ̄ bæe vĩ Igipiti guu Fili'auna ibanɔne kɔ̄n a gbẽnɔ.

Ben Musa bè Fili'aunane: Dii bè gwãavĩ lezãndo é ba Igipiti b̀usula, Igipiti daudunɔ é gaga n pingi sɛna zaa Fili'auna kè v̄eena kpatan néa ai à ḡaa pe nɔ̄gbẽ zĩkeri kè aãè wĩsi lɔ̄nɔ néa kɔ̄n pɔ̄kãde nekya kaakunɔ n pingi. Weé sosobi ɔ gbãaa dɔ Igipiti gu pingia, à taka e ke yãro, eé ke ziki dɔro. Mɔde Isarailinɔ te baa gbẽ é gbon ke gbẽntee ke pɔ̄kãdeearo, le ñgɔ̄ dɔ kè Dii Igipitinɔ d̄k̄k̄zi kɔ̄n Isarailinɔ. N iba kekiinɔ é mɔ ma kiia n pingi aãé kueme, aãé be mà gá kɔ̄n ma gbẽnɔ n pingi. Beee gbera sa mé gá. Ben Musa bè Fili'auna kiia kɔ̄n pɔ̄fẽ bitao.

Dii bè Musane yã: Fili'auna é n yãmaro, le ma dabuyãkenanɔ e à parikũ Igipiti. Musa kɔ̄n Arunao dabuyã pìnɔ kè Fili'auna ae pingi, ben Dii à kugbãakũ. À gĩ Isarailinɔ gbarezi aã bɔ a busun.

Banla zĩbaa

Dii yã'ò Musane kɔ̄n Arunao Igipiti à bè: Mɔɔ kekii égɔ̄ deare mɔ kaaku ũ wẽ kɔ̄n wẽo. À o Isarailinɔne n pingi, mɔɔ kekii gurɔ kuridee zĩ aãé sãa bɔbɔ men doodo uale kɔ̄n ualeo pingi. Tó ua gbẽnɔ parii e ka aã sã men doo so s̄ro, aã kpaate kɔ̄n ua kè aã ku kɔ̄ saeo à gbẽnɔ len, le a kpaana ton ḡro yãzi. À sãkaro

ke blekofii né b̀̀r̀̀ẁ̀ k̀̀e see v̄iroo b̀̀. Isarailin̄w pingi, baade a p̀́ gwa ai m̀̀ẁ̀ k̀̀eki gur̄w ḡero dosaidee z̄i. Uusien weé de, weé à aru ma kpe k̀̀e weé à ǹ̀b̀̀ẁ̀ son kpeele ḡũn̄w̄a ɔplazi k̄n̄ ɔzezio k̄n̄ musuo. Gwāavī d̄n̄k̄w̄ p̄ia weé ǹ̀b̀̀ẁ̀ p̄i kpa tea, weé so k̄n̄ buredi sese'ēzēsai k̄n̄ lá kyākyāo. Àton so búsu ke fufukenaro. À kpa tea k̄n̄ a miò k̄n̄ a gbán̄w̄ k̄n̄ a p̀́guun̄w̄. Àton to guu d̀̀w̄ à kpaara. Tó à kpaara ḡ̄, à kpata à tekū. Tó ée soo, à asaa d̀̀w̄awa à kyatee kpa, a g̀̀w̄ ḡ̄ nana a ɔz̄i. À so kpakpaa, zaake Dii Banla sa'op̄me.

Gwāavī p̄ia mé ba Igitipila mà daudun̄w̄ dede búsu p̄i gu pingia k̄n̄ p̀́k̄ade nekya kaakun̄w̄ n̄ pingi, mé wida Igitipi t̄ān̄w̄a. Mambe Dii ũ. Aru p̄i éḡw̄ de seda ũ kpe k̀̀e á ku à guun̄w̄a. Tó m̄́e ɔt̄w̄ Igitipin̄w̄a, tó ma aru p̄i è, mé ḡēala, gagana p̄i é a lero. À gur̄w̄ p̄i die ma z̄ibaa gur̄w̄ ũ d̄nḡu yānzi, àḡw̄ z̄ibaa p̄i kee keatok̄n̄ep̄w̄ ũ ai a boriia.

Buredi Sese'ēzēsai z̄ibaa

Gur̄w̄ sw̄eplaaa guu à buredi sese'ēzēsai so. À gur̄w̄ kaakudee z̄i à buredisese'ēz̄ē k̀̀e ku a kpe guun̄w̄ kw̄e, zaake gb̄ē k̀̀e p̄sesena s̀̀w̄ gur̄w̄ sw̄eplaaa p̄i guu, weé a b̀̀w̄ Isarailin̄w̄ te wà à dem̄e. À gur̄w̄ kaakudee z̄i k̄n̄ à gur̄w̄ sw̄eplaadee à k̄w̄ kak̄w̄a à d̄nzikem̄e. Àton z̄i ke ke gur̄w̄ m̀̀n̄w̄aro, sé p̄blekena baade pingine baasiro, à len gwe. À Buredi Sese'ēzēsai z̄ibaa ke, zaake z̄i beean ma a b̀̀w̄e Igitipi lan z̄ikp̄en̄w̄ bà. A boriin̄w̄ ḡw̄ z̄ibaa p̄i kee keatok̄n̄ep̄w̄ ũ. M̀̀w̄ kaaku gur̄w̄ ḡero dosaidee z̄i uusie, àḡw̄ buredi sese'ēzēsai soo ai à gur̄w̄ baro aw̄edodee z̄i uusie. Gur̄w̄ sw̄eplaaa guu buredisese'ēz̄ē ton ḡw̄ ku a bero, zaake gb̄ē k̀̀e p̄sesena s̀̀w̄, gb̄ē z̄it̄n̄ yoo, b̄deen yoo, weé à b̀̀w̄ Isarailin̄w̄ te

wà à demε. Àton p̄sesena so gur̄o p̄iaro. Guu k̄è á kun pingi, àgae burēdi sese'ēzēsai so.

Banla zībaa kaaku

Musa Isaraili gb̄ensin̄o s̄isi n̄ pingi à bènné: À gá à a ua s̄ã k̄ũ à de Banla zībaakep̄o ũ. À s̄ēs̄ōvl̄ãa se à z̄õ aru k̄è ku taa guua à máma a kp̄eele ḡũa, ÷plazi k̄õn ÷ez̄zio k̄õn à musuo. A gb̄eke ton b̄o baaziro ai guu d̄o. Tó Dii e baa b̄ùsula èe Igitin̄o dedeε, tó à aru è kp̄eele ḡũn̄o, eé ḡēàlame. Eé to gb̄ēdederi ḡēazi à a deder̄o. Apin̄o k̄õn a boriin̄o àḡõ ȳã p̄i k̄ũna keatok̄õnep̄o ũ ai a boriia. Tó a ḡē b̄ùsu k̄è Dii é a gbaan lan à à legb̄ēare n̄à, àḡõ d̄onziȳã p̄i k̄ũna. Tó a nen̄o d̄onziȳã p̄i mì gb̄ekaawa, à onné k̄è Banla saa k̄è wè o Diame, zaake k̄è à Igitin̄o d̄ède, à ḡē wa Isarailin̄o kp̄éla, èe wa deder̄o. Ben gb̄ēn̄o k̄ùe āõ d̄onzik̄è Diine. K̄è āõ tà, āõ k̄è lan Dii ò Musa k̄õn Arunaone n̄à.

Igititi daudun̄o gagana

Gw̄āv̄i lez̄ãndo Dii Igititi daudun̄o d̄ède n̄ pingi, naana zaa Fili'auna k̄è v̄ēna kpatan n̄éa ai à gàa p̄e pisinan̄o nen̄o k̄õn p̄ok̄ãde nekya kaakun̄o n̄ pingi. Fili'auna f̄èe gw̄āv̄i k̄õn a iban̄o k̄õn Igitin̄o n̄ pingi, ben sosobi ó dà Igititila, zaake ua kee kuu ge sairo. Gw̄āv̄in̄ Fili'auna Musa k̄õn Arunao s̄isi à bènné: À f̄ee k̄õn Isarailin̄o à b̄oε ma gb̄ēn̄o t̄ε. À gá d̄onzike Diine lan á ò n̄à. À a bl̄èn̄o k̄õn a s̄ãan̄o k̄õn a z̄ùn̄o see lan á ò n̄à. À gá à sa maaa om̄e se.

Igitin̄o n̄àk̄õre gb̄ē p̄in̄o āõ b̄oenné n̄ busun kpakpaa, zaake āõ bè: Wé gaga wa pingime. Isarailin̄o n̄ flawadenan̄o k̄à taan̄o guu a sese'ēz̄ē sai, āõ n̄ utan̄o f̄if̄ia āõ d̄àda n̄ ḡàn. Āõ k̄è

lan Musa ònné nà, aǎ kondogi pɔnɔ kɔn vura pɔnɔ kɔn pɔkàsãano gbèka Igitipinɔa. Dii tò aǎw kè kɔo nna, ben aǎw kpàmmá. Leme aǎ Igitipinɔ pɔnɔ sìmmá le.

Isarailinɔ dana zen

Isarailinɔw dà zen kèse, aǎ bɛe kɔn Rameseo aǎ tà Suko. Gɔgbɛnɔ gɔwɔn bɔrɔ wàa aagɔme, nenɔ kɔn nɔgbɛnɔ baasi. Bori zítɔnɔ tànyo pari dɔ. Blènɔ kɔn sãano kɔn zùnɔ parii kè bita. Aǎ buredi sese'èzèesai kè kɔn flawadena kè aǎ bɔo Igitipio. Aǎw kè sese'èzè sai, zaake wà pèmmá Igitipi kãdomɛ. Aǎwe e wà pɔblee kè wà sè kúsãe ũro.

Isarailinɔ kuuna Igitipi kè wè wàa plaa kɔn baaakurio. Wè wàa plaa kɔn baaakurio pì papana gbera, zĩbaa pì zĩn Dii zĩkpeɛ pìnɔ bɛe Igitipi n pingi. Gwãavĩ pì né Dii pɔme. Isarailinɔ égɔ a itè keɛ ai n boriia, zaake gwãavĩ pìn Dii Isarailinɔ bɔna Igitipi itè kè.

Banla zĩbaa

Dii bè Musane kɔn Arunao: Banla yã kè má dien ye. Bori zítɔ ke toga à à nɔbɔ soro, mɔde zò kè á lù, tó à bǎngukè, eé so. Nibɔ ke asiazĩkeri toga à soro. À so kpen, àton bɔ kɔn à nɔbɔ pìo baaziro. Àton sãa pì wá ke ero. Isarailinɔ pingi gae zĩbaa pì ke. Tó gbè zítɔ ku a te, tó à yezi à Banla zĩbaa ke Diine, à a be gɔgbɛnɔ bǎnguke n pingi à gɔ bedee ũ, eé gbasa à ke. Gefɔodee toga à soro. Bede kɔn gbè zítɔ kè kuaɔ, doka dɔnkɔ pìme. Ben Isarailinɔw kè lan Dii ò Musa kɔn Arunaone nà n pingi. Zĩ beean Dii Isarailinɔ bɛe Igitipi gǎli kɔn gǎlio.

Buredi Sese'ēzēsai zībaa kōn daudunɔ kpama Ludaao

Dii yā'ò Musane à bè: Àgae Isaraili daudunɔ kōn pɔkāde nekya kaakunɔ kpama, zaake ma pɔnɔme n̄ pingi.

Musa bè gbēnɔne: A bɔna Iyipiti zɔblenan gurɔɔ kɛki yā gō dɔagu, zaake Dii bé à a bɔe Iyipiti kōn a ɔ gbāaa. Àton pɔsesena so gurɔɔ p̄iaro. Ée bɔe Iyipiti gbāame mɔ kaaku kè wè sisi Abibu guu. Dii legbè a dezinɔne à bè é b̄usu kè zwi kōn zɔ'io din, kè Kanaano kōn Itino kōn Amɔrino kōn Ivino kōn Yebusinɔɔ kun kpaawa. Tó à tò a ka, à zībaa p̄i ke mɔɔ kɛkiin. Àgae buredi sese'ēzēsai so ai gurɔ swɛɛplaa. À gurɔ swɛɛplaadee p̄i zī é gō deare Dii zībaa gurɔɔ ũ. Àgae buredi sese'ēzēsai so ai gurɔ swɛɛplaaa p̄i papa. Pɔsesena ke buredi ēzē ke tongɔ ku ua ke guu a busunlo. Zī p̄ia àgae o a negɔgbēnɔne ée kee le yā kè Dii kèare kè à a bɔe Iyipiti yānzime. Zībaa p̄i é gō deare seeda ũ lan pɔdana ɔɔa bà, ke lan dɔngu p̄o yina mi'aea bà, le Dii doka gō ku a len, zaake àmbe à a bɔe Iyipiti kōn a ɔ gbāaa. Àgae dokayā p̄i ke a gurɔɔa wē kōn wēo.

Tó Dii tò a ka Kanaa busun, ben à kpàawa lan à à legbèare nà kōn a dezinɔ, àgae a daudunɔ kpaa n̄ pingi. A pɔkāde nekya kaakunɔ è gō de à p̄o ũ n̄ pingi. Àgae a zaaki nekya kaaku tɔɔba bo kōn sāneo. Tó ée boro, à à waa fī. Àgae a daudunɔ tɔɔba bo n̄ pingi. Tó a negɔgbēnɔ a la à m̄izi zia wà bè, bó yān gwee, à benné kè Dii a bɔe zɔbleen Iyipiti yā kōn a ɔ gbāaa yānzime. Kè Fili'auna kugbāakè à ḡi wa gbarezi, ben Dii Iyipiti daudunɔ dèdè n̄ pingi kōn pɔkāde nekya kaakunɔ n̄ pingi. Beee yānzin weè saa'oa kōn pɔkāde nekya kaakunɔzi pingi, weè wa daudunɔ

tɔɔba bo. Kékii éǵǵ de seeda ũ lan pɔdana wa ɔɔa bà ke pɔ yina wa mi'aea bà, zaake Dii bé à wa bɔe Igipiti kɔn a ɔ gbãaa.

Isarailinɔ bɔna Igipiti

Kè Fili'auna Isarailinɔ gbàre, Luda e bɔnyo Filisitininɔ bɔsu zé kparo, baa kɔn à kíkεεo, zaake à bè: Tó wà fèézi kɔn zìo, aǵé n nɔselie wà liara Igipiti. Luda pà zé pìne, ben à gbaa zé sènyo Isia Tēaa kpa. Isarailinɔ bɔe Igipiti aǵ n ǵǵkebɔnɔ kūna.

Musa Yusufu wánɔ sè èe tao, zaake Yusufu tò Isarailinɔ legbèare yā à bè, tó Luda mò n bɔ, aǵé a wánɔ sεε wà bɔo gwe.

Kè aǵ bò Suko, aǵ gāa wà bùra kàe gbaa lea zaa Etamu. Dii èǵǵ dɔɔnné ae tɛluguu guu fāantē le àǵǵ zé ɔdɔɔanné. Gwāavī sǵ èǵǵ dɔɔnné ae tenene guu, le àǵǵ guupuunné aǵǵ taa'oo fāantē kɔn gwāavīo. Tɛluguu pì è gu n ae fāantēro, tenene pì è gu n ae gwāavīro.

Igipitinɔ pɛena Isarailinɔzi

Dii bè Musane: N̄ o Isarailinɔne aǵ eara wà gá bùra kae Pi'airo sae Migidolu kɔn isiaao dagura, aedɔkɔana kɔn Baali Zefɔ. À bùra kae isiaa sae gwe. Fili'auna éǵǵ daa a sāsā, gbaa a kūme. Mé a kugbāakū, eé pɛeazi, mé tɔbɔ Fili'auna kɔn a zīkpeeno yā sàabu, Igipitinɔ éǵǵ dǵ kè mambe Dii ũ. Ben Isarailinɔ kè le.

Kè wà ò Igipiti ki Fili'aunane gbē pìnɔ baalè, ben àpi kɔn a ibanɔ nɔse liè Isarailinɔ yā musu wà bè: Bɔn wá kè, ben wá tò aǵ bò zɔblenaween? Ben Fili'auna góro dò a sǵne à a zīkpeeno kàkɔa. À sǵgoro maaanɔ sè men wàa aǵǵ kɔn Igipiti sǵgoronɔ pingi kɔn zīkari gbēnsinɔo ka n guu. Dii Igipiti ki Fili'auna

kugbāakū, ben à pèe Isaraili kè aḡe bḡe kōn kugbāaaonḡi. Ben Igitinḡ pèēnzi kōn Fili'auna sōnḡ kōn à sḡoronḡ kōn à sḡdeenḡ kōn à zīkpeenḡ n pingi, ben aḡe mḡ n le n bḡran isiaa sae kī kōn Pi'airoo aedḡkḡana kōn Baali Zefḡo.

Kè Fili'auna kà kī, Isarailinḡ wēesè, ben aḡ Igitinḡ è te n kpee. Vīa n kī maamaa, ben aḡ wiipè Diizi. Aḡ bè Musane: Miranḡ ku Igitinloo? Bḡyānzi n mḡwao gbaan kè wà gagazi? À kè dia n bḡwao Igititi? Asa wá ònne Igititi wà bè n wa tó tee wà zḡble Igitinḡe! Zḡblenanné maawe de gagana gbaa kēnla. Musa bēnné: Àton to vīa a kūro. À ze tee é e lan Dii é a misi nà gbāa, zaake Igititi kè ée n ee gbāa kēnḡ, é n e ziki dḡro. Dii bé eé zīkáare. Àḡḡ yītēna kitikiti dé!

Isarailinḡ bikūna Isia Tēaala

Dii Musa là à bè: Bḡ wiiin nēe pēemazii? N̄ o gbēnḡne aḡ fēe wà bḡ kōn tao. N̄ n gò dḡ isiaala à zḡkḡre, le Isarailinḡ e wà gēte à dagura gukoria. Mapi, mé Igitinḡ kugbāakū, aḡé gēn n gbera, mé tḡbḡ Fili'auna kōn a zīkpeenḡ kōn a sḡoronḡ kōn a sḡdeenḡ yā sàabu. Tó ma tḡbḡ Fili'auna kōn a sḡoronḡ kōn a sḡdeenḡ yā sàabu, Igitinḡ éḡḡ dḡ sa kè mambe Dii ū. Luda Malaika kè dḡ Isarailinḡne aē liara à gāa n kpee kpa, ben teluguu kè ku n aē liara à gāa n kpee dḡ aḡpinḡ kōn Igitinḡ dagura. Teluguu pì guupù Isarailinḡne à gusiaa kpà Igitinḡne, ben aḡ gbēkee e e à sḡ a daazi gwāāvī beeearo.

Kè Musa a ḡ dḡ isiaala, ben Dii bḡ kōn īa gbāaaḡ ḡfāntēbḡe kpa. À kàka ai guu gāa dḡo à isiaa lè à kpaatēkḡre, ben gukori bḡ. Kè í zḡkḡre, ben Isarailinḡ taa'ò gukoria aḡ bikū. Í bīi bḡ aḡ ḡplaazi kōn ḡezio. Ben Igitinḡ pèēnzi. Fili'auna sōnḡ kōn a

sõgoronɔ kɔ̃n a sɔ̃deenɔ pingi tɛ n̄ kpɛɛ isiaa guu. Gudɔnao Dii Iyipiti zĩkpɛɛnɔ gwà zaa tenene guu, ben à tò aɔ likɔ̃a. À tò aɔ sɔ̃goronɔ vl̃ɛɛ, à tò aɔ taa'ona kè zĩũ, ben aɔ bè: Wà baale Isarailinɔne, zaake Dii e zĩkaawaonnéme.

Dii bè Musane: N̄ n ɔɔ dɔ isiaala, í é da Iyipitinɔla kɔ̃n n̄ sɔ̃goronɔ kɔ̃n n̄ sɔ̃deenɔ. Ben Musa a ɔɔ dɔ isiaala, ben í e suu a gben gudɔnao. Lan í e suu nà, ben Iyipitinɔ baasi aɔ yezi wà bɔɛ. Gwen Dii tò isiaa dànlan. Í sù a dà sɔ̃goronɔla kɔ̃n sɔ̃deenɔ kɔ̃n Fili'auna zĩkpɛɛ kè aɔ gè isiaa guu Isarailinɔ gberaanɔ n̄ pingi. Aɔ kee e bɔro, baa men do. Isarailinɔ sɔ̃ taa'ò í dagura gukoriaɛ. Í bĩi bò aɔ ɔplaazi kɔ̃n ɔezio. Zĩ beean Dii Isarailinɔ s̄i Iyipitinɔa, ben Isarailinɔ Iyipiti p̄inɔ genɔ è isiaa baa. Kè Isarailinɔ Dii gbãa bita kè à mò Iyipitinɔne è, aɔ viakène, ben aɔ à naanekè kɔ̃n à zɔbleri Musao.

Isarailinɔ lè

Ben Musa kɔ̃n Isarailinɔ n̄ pingi lè kè s̄i Diine wà bè:

Mé lesi Diine, zaake à tɔbɔna,
à sɔ̃deenɔ kɔ̃n n̄ s̄inɔ kà isiaan.

Dii bé ma gbãaa ũ, mé lé maa,
àpi bé à ma misì.

Àmbe ma Luda ũ, mé à tɔkpa.

Àmbe ma de Luda ũ, mé à tɔ se lezi.

Dii né zĩkarime, à tɔn Dii.

À Fili'auna sɔ̃goronɔ kɔ̃n à zĩkpɛɛnɔ kà isiaan,
à zĩkari gbẽnsinɔ vl̃ɛɛ Isia Tẽaan.

Í lɔdee p̄i dànlà,
aɔ kpàe ḡiz̄i lan gbe bà.

Dii, n ɔplaan gbãaa kun kɔ̃n bitakεεo,

Dii, n n ibεεnɔ duguzɔ̃ kɔ̃n n ɔplaaɔ.

N n zangurino nɛ n gakui bita guu,
n pɔfɛ̃ n ń náe lan sɛ̀ bà.

N pɔbò n yĩzĩ, ben í zòkɔ̃re,
à gò zena lan bĩi bà,
isiaa ì ai a guragura.

Wa ibεε pìnɔ bè,
aǎé pɛɛwazi aǎ wa leme,
aǎé wa pɔnɔ sεε lan aǎɔ yezi nà,
aǎé ń fɛɛdaanɔ woto aǎ wa dɛdεo.

N n lɛ̃ɔ vù, ben isiaa dànla,
aǎ kpàe lan beoma bà í bita pìn.

Dii, tãanɔ tɛ̀ à kparee bé à dɛ lan n bà?
Den weé lekɔ̃zinyo?

Yãbɔnsaekeri, n bitakεε adona,
n gakui naasi vĩ.

N n ɔplaa pòro, ben tɔɔtɛ̀ ń mɔmɔ.

Wamɔwa kè n wa bo zɔbleenɔ
né dɔwe aε n gbɛ̃kεε guu,
né gáwao n busun kɔ̃n n gbãaaɔ.

Tó boriino mà, aǎé lugaluga,
Filisitini busudeenɔ kù é gɔ̃ vĩi.

Edɔmunɔ kinanɔ é bidike,
swɛ́ é kɛ̀ Mɔabu dɔn'aεdeenɔn,
Kanaa busudeenɔ mɛ̀ é yɔ̀ ń pingi.

Vĩa bita é ń kũ, swɛ́ é kɛ̃ngu,
aǎé gɔ̃ kitikiti lan gbὲ bà

n gbãa bita yãnze Dii,
ai wamowa kè n wa se n pò ùuno gēte.
Dii, né gáwao kpìi kè n sè n pò ùu kiia,
né wa kāsãa pɛɛ guu kè n diɛ n vɛɛkii ùun,
n kukii kè n kèkɛ nzĩndane pì.
Dii égɔ kiblee gurɔ pingime.

Kè Fili'auna sɔnɔ kɔn à sɔgoronɔ kɔn à sɔdeeno gɛ isiaa guu, ben Dii sù kɔn ío à dàńla, mɔde Isarailinɔ taa'ò gukoria isiaa pì guu. Ben annabi Miriamu, Aruna dãre, a sɛgɛsɛgɛ sè, ben nɔgbɛnɔ bɔ wà tezi n pingi, aɔɛ sɛgɛsɛgɛ paa aɔɛ ðwãa. Miriamu lesinné à bè:

À lesi Diine, zaake à tɔbɔna,
à sɔdeeno kɔn n sɔnɔ kà isiaan.

Í kyãkyã

Musa dà zen kɔn Isarailinɔ, aɔ kè Isia Tɛãaaa aɔ gɛ Suru gbaan. Aɔ taa'ò gurɔ aagɔ gbaa pìn aɔɛ í ero. Kè aɔ kà guu kè wè sisi Mara, aɔɛ fɔ wà à í m̀ro kè à kè kyãkyã yãnze. Bee yãnze wà tɔkpà guu pìne Mara. Ben gbɛnɔ zɔkakà Musazi wà bè: Bɔn wé mii? Musa wiipè Diizi, ben Dii lí òɔɔane. Kè Musa lí pì zù ín, ben í pì kè nna. Gwen Dii yãdienné kɔn dokao à n lé à n gwá à bè: Tó a laakaridò mamɔma Dii a Luda yãa ée yã kè má yezi keɛ, tó a yã kè má diɛnɔ mà, ben á ma dokanɔ kũna pingi, mé gyãakè má kà Igipitinɔn ke káaguro, zaake mambe Dii kè è a gba aafia ù. Bee gbera aɔ kà Elimu, guu kè ibɔki men kuri awɛɛplaaanɔ kun kɔn damina lí men baaagɔ akurinɔ. Ben aɔ bùra kàè í pì saɛ gwe.

Mana kɔ̃n b̀uruno

Isarailino f̀e Elimu n̄ pingi, ben aɔ̃ kà Sini gbaa k̀e ku Elimu kɔ̃n Sinaio dagura aɔ̃ b̀ona Igititi m̀o plaadee guu guro g̀erodee z̄i. Ben aɔ̃ z̀okakà Musa kɔ̃n Arunaozi gbaan gwe n̄ pingi aɔ̃ b̀enné: B̀oyãnz̄i Dii e wa dede Igititirozi? Gwe weè v̄e wà p̀oble kɔ̃n ǹobɔo ai wà kã, ben a m̀owao gbaan k̀e à wa dede kɔ̃n ǹoaaao.

Dii bè Musane: B̀ona musu mé p̀oble fãk̀eare. Gbẽno é b̀e wà guro doo p̀o s̄e lan gu e d̀o nà n̄ blena len, le mà n̄ ȳo mà gwa tó aɔ̃ ma doka k̄una. Guro sw̄eedodee z̄i guro plaa p̀on aɔ̃ s̄e aɔ̃ à p̀oble ke. Ben Musa kɔ̃n Arunao b̀enné n̄ pingi: Uusia é d̄o k̀e Dii bé à a b̀e Igititi, zia k̀ongɔ é Dii gakui e. À z̀okakè á k̀azii mà. B̀on wa ũ k̀e é gbasa a z̀okak̀awazii? Musa èara à bè: Dii é a gba ǹobɔo à so usia, zia k̀ongɔ eé p̀oble kpaawa a blena len, k̀e à z̀okakè á k̀azii mà yãnz̄i. P̀ken wa ũro. Èe ke wambe a z̀okak̀awaziro, Diime.

Ben Musa bè Arunane: N̄ o Isarailino n̄ pingi aɔ̃ s̄o Diizi, zaake à n̄ z̀okakana mà. K̀e Aruna e yã'onné, aɔ̃ aed̀o gbaa kpa, ben aɔ̃ è Dii gakui b̀o à m̀n̄zi teluguu guu. Ben Dii yã'ò Musane à bè: Ma Isarailino z̀okakana mà. N̄ onné usia aɔ̃ é ǹobɔo so, zia k̀ongɔ aɔ̃ é p̀oble wà kã, aɔ̃ é d̄o k̀e mambe Dii n̄ Luda ũ.

Usie b̀uruno m̀o wà dà n̄ b̀urala. K̀e guu d̀o kp̄ii kpà à l̄igañzi. K̀e kp̄ii k̀e, ben p̀o ḡo kaena t̀oɔtea p̀uu ketekete lan p̀o kokū bà. K̀e Isarailino è, aɔ̃ bèk̄one: B̀on gwee? Zaake aɔ̃ è d̄o tó b̀onlo. Musa b̀enné: P̀o k̀e Dii kpàawa à bleen gwe. Yã k̀e Dii d̄iareen ye: A baade s̄e a blena len. À s̄e a baade m̄ia zakale doodo a uadeeno pari len. Isarailino k̀e le. Aɔ̃ s̄e, gbẽkeno p̀o

bita, gbēkeno pó nengo. Kè wà zaka dàn, gbē kè sèe bita pó e diziro, gbē kè sèe fete pó e kēsāaro. Musa benné: Gbēke ton à kpaá tó ai guu dāaro. Gbēkeno e Musa yāmaro, aō à kpaáa tò ai guu dò, ben à kəkəkà à vǎ, ben Musa pofē gbē pìnɔzi.

Lan guu e dɔɔ nà baade è sɛɛ a blena len. Tó ofāntē gbǎ, à kè gǔ tɔɔtea è yɔmɛ. Gurɔ swɛɛdodee zī aō pɔblee sèe leo plaa, baade mià zakale plaplaa. Ben aō gbēnsinɔ gǎa wà ò Musanɛ í pingi. À benné: Len Dii diɛ le. Zia né kammabogurɔɔzīmɛ, Dii gurɔɔmɛ. À pó kè á yezi à kpa tea kpa tea. À pó kè á yezi à disa disa, à à kpaáa kè gǔ diɛ ai guu dò. Aō diɛ ai guu dò lan Musa ò nà. Beekii e vāro èe kəkəkaro. Ben Musa benné: À ble gbǎa, zaake kammabogurɔɔzīmɛ, é e gukea gbǎaro. Àgae sɛɛ ai gurɔ swɛɛdo. À gurɔ swɛɛplaadee né kammabogurɔɔzīmɛ, eégɔ kuu zī pìaro.

Gurɔ swɛɛplaadee zī gbēkeno bò wà gǎa sɛɛ, ben aōɔe ero. Ben Dii bè Musanɛ: Égɔ ku kǔn doka kè má diɛ masaio ai bɔrɛmɛ? Àgɔ dǔ kè mamɔma Dii mambe ma kammabogurɔ diɛare. Beee yānzi gurɔ swɛɛdodee zī mɛè gurɔ plaaa pɔblee kpaawa. Baade gǔ ku a gben, gbēke ton gu a gben gurɔ swɛɛplaadee pì zīro. Ben aō kammabò gurɔ swɛɛplaadee zī. Isarailinɔ təkpa pɔblee pìne mana. À de lan pɔwɛɛ pura keteketeno bāmɛ. À í nna lan kàra zódee bà.

Musa bè: Yǎ kè Dii diɛn ye: Wà mana zakale doo diɛ wa boriinɔnɛ, le aō pɔblee kè à kpàwa wá blè gbaan wa bɔna Igipiti gberaa e se. Ben Musa bè Arunane: Ì loo sɛ ì mana zakale doo kan ì diɛ Dii aɛ, le àgɔ diɛna wa boriinɔnɛ. Ben Aruna diɛ gbe walaanɔ saɛ le àgɔ diɛna lan Dii ò Musanɛ nà. Isarailinɔ mana

blè wě̀ baplaa ai aõ gàa wà kào b̀usu kè gbēnɔ kun. Aõ mana pì blè ai aõ gàa wà kào Kanaa b̀usu lea. Zaka lé doo né lita plaaame.

Í bɔna gben

Isarailinɔ f̀e Sini gbaan ní pingi, aõe b̀ura kaekae lan Dii ònné nà, ben aõ gàa wà b̀ura kàe Refidimu. Aõe í e wà mì gwero, ben aõ z̀kakà Musazi wà bè: Nè wa gba í wà mi. À bènne: B̀yānzi ée leokpakɔa keemaazi? A kè dia ée Dii lea ée gwaa? Kè imii e ní de, ben aõ z̀kakà Musazi wà bè: B̀yānzi n b̀wao Igitizi? Ní yezi imii wa de k̀n wa nenɔ k̀n wa p̀kadeenɔn yɔ? Ben Musa wiipè Diizi à bè: Dian mé ke k̀n gbē p̀nɔ nà? À g̀ fete kè aõé ma papa gbeo wà ma de. Dii bènne: Nè Isaraili gbēnsinɔ s̄e à dɔ gbē p̀nɔne ae. Nè n gò kè n Nili lèo se dɔ. Mé ze n ae Orebu gbesi sae gwe. Nè gbesi pì lé, í é bɔ le aõ mi. Ben Musa kè le Isaraili gbēnsinɔ wáa. Ben wà t̀kpà guu p̀ne Masa, zaake gwen aõ Dii ỳn wà gwà wà bè: Dii kuwaon gweɔ? Wà t̀kpàne Meriba dɔ, kè Isarailinɔ z̀kakà gwe yānzi.

Zíkana k̀n Amalekinɔ

Amalekinɔ m̀ zíká k̀n Isarailinɔ Refidimu. Ben Musa bè Ỳsuane: Nè gbēnɔ pleple wa te à gá zíká k̀n Amalekinɔ. Zia mégɔ zena s̄s̄i kekii mis̄nt̄ea k̀n Luda gòo k̀na. Ỳsua kè lan Musa òne nà, à gàa zíká k̀n Amalekinɔ. Ben Musa k̀n Arunao k̀n Uruo d̀di s̄s̄i pì mis̄nt̄ea. Tó Musa a ɔnɔ sè, Isarailinɔ ègɔ z̄iblee Amalekinɔame, m̀de tó à a ɔnɔ diè s̄, Amalekinɔ ègɔ z̄iblee Isarailinɔa. Kè Musa ɔnɔ wà, wà gbe sè wà diè à gbaru à v̄ea, ben Aruna k̀n Uruo à ɔnɔ k̀k̀na, gbē doo ɔplazi, gbē

doo ɔzezi, ben à ɔɔnɔ gɔ̃ zena ai ɔfãntẽ gaa à gɛ̀o kpen. Ben Yɔsua zĩblè Amalekinɔa à n déde kɔ̃n fẽedaao.

Dii bè Musane: N̄ kekii kē takada guu le àgɔ̃ de dɔngu pɔ̃ ũ n̄ o Yɔsuane, zaake mé Amalekinɔ borii bɔ anduna guu n̄ pingi. Musa gbãgbãkii bò, ben à tɔkpàne Diin ma tuuta ũ à bè: Ma ɔ sè Dii kpata kpa. Dii égɔ̃ zĩká kɔ̃n Amalekinɔ gurɔ pingi.

Yetoro gana Musa gwa

Musa anzure Yetoro, Midiã sa'ori, yã kè Ludaa kè Musane kɔ̃n a gbẽ Isarailinɔ mà, lan Dii n̄ bóe Igititi nà. Àe kè sɔ Musa gĩake à a naɔ Zipora zĩ be kɔ̃n a negɔ̃gbẽ men plaaanɔ. À doo tɔn Gesɔmu, zaake Musa bè gbẽ zĩtɔn a ũ danɔ busun. À doo tɔn Elieza, zaake Musa bè a de Luda a faabakè à a bɔ Fili'auna fẽedaa lezĩ. Ben Yetoro fẽe èe mɔɔ Musa kiia kɔ̃n à nenɔ kɔ̃n à naɔo guu kè à bùra kàen Luda kp̄iii sae gbaan. À lekpāsā kè Musane à bè: Mée mɔɔ n kiia kɔ̃n n naɔo kɔ̃n n né men plaaanɔ. Musa bò à gaa à dà a anzurele à kùe à lepè à gasua. Aɔ kɔ̃ aafia gbèka, ben aɔ gè kpen. Musa yã kè Dii kè Fili'aunane kɔ̃n Igititinɔ Isarailinɔ yãnz̄i tɔkène pingi kɔ̃n nawēa kè aɔ̄ è zé guunɔ pingi kɔ̃n lan Dii n̄ bó nà. Yetoro pɔɔ kè nna yã maaa kè Dii kè Isarailinɔnea pingi kɔ̃n lan à n̄ bó Igititinɔ ɔzĩ nà. Ben à bè: Wà Dii saabukpa lan à a bɔ Fili'auna kɔ̃n Igititinɔ ɔzĩ nà. Má d̄̄ sa kè Dii bita de tãanɔla n̄ pingi. Kè Igititinɔ kyakàagu, à yãmònné. Ben Yetoro sa'opɔ̄ kè wè ka ten à tekū ò Ludaa kɔ̃n sa'opɔ̄ pãndenɔ dɔ. Ben Aruna kɔ̃n Isaraili gbẽnsinɔ n̄ pingi m̀ wà pɔ̀blèo Luda ae.

Yāgōgōrino diena

Kè guu dō Musa v̄e è yāgōgōnné, aō kaenzi za kōngō ai uusié. Kè Musa anzure yā kè è keenné è pingi, ben à à là à bè: Bōn n̄e kee kōn gb̄ kēnō l̄e? Bōyānzi n̄e yākpaekeenné ndo, baade pingi kaenzi za kōngō ai uusié? Musa wèlā à bè: Gb̄nō è mō ma kiia aō Luda p̄yeyiyā mame. Tó aō yākete vī, aō mō ma kiia mà yā p̄i gōgōnné mà Luda doka kè à dienō onné.

Musa anzure bène: Yā kè n̄e kee maaro. Né kpasa, gb̄ kè aō kunyonō é kpasa dō, zaake zīi p̄i denla, né f̄ō ñ ke ndoro. Ñ ma yāma sa, mé ledamma, Luda égō kunyo. Né gō denné yāgōgōri ū, né gō gaa kōn ñ yānō Luda kiia, né gō doka kè Ludaa dienō daanné, né gō zé kè de aō se dōdōanné kōn yā kè aō keeno. Ñ gb̄ laakaride naanedee kè aō Luda vīa vī ben aō dōnkpeegbaa siroonō pleple ñ te, ñ ñ die gōn wāa sōsōroonō dōn'aedeeno ū kōn gōn basōsōroo kōn gōn baplaa akurio kōn gōn kurikurio, le aō gō yāgōgō gb̄ p̄inōne gurō pingi. Aō mō n kiia kōn yā zī ūunō pingi, mōde aō yā nengonō gōgō ñzīnda. Bee bé eé n asoo lagonne. Tó Dii wenne, tó ñ kè le, né fuaro, gb̄ p̄inō é ta be laakario kpaena.

Musa a anzure yāmà à kè lan à òare nà pingi. À gb̄ laakarideeno pleple Isaraili boriino te pingi à ñ díe gōn wāa sōsōroonō dōn'aedeeno ū kōn gōn basōsōroo kōn gōn baplaa akurio kōn gōn kurikurio. Ben aō gō yāgōgōnné gurō pingi. Yā zī ūun aō mō Musa kiia, ben aō yā nengonō gōgō ñzīnda. Musa gāa à zè a anzurene, ben à tà a busun.

Sinai kpìii sae

Isarailinɔ bɔna Igitipi mɔ aagɔdee guu aɔ fɛɛ Refidimu. Kɛ aɔ kà Sinai gbaan, ben aɔ bùra kàe gwe Sinai kpìii sae. Musa didi à gàa Luda kiia kpìii pì musu, ben Dii lezùzi à bè: Ì yā kekii o Yakubu bori Isarailinɔne: Á è lan má kè Igitipinɔne nà, lan ma a se ma suo ma kiia, lan kúu è a né se a debea nà. Tó a ma yāmà á ma bà kuunaao yā kūna tia sa, éǵɔ de ma gbē yenzideeno ũ bori pingi tɛ. Baa kè anduna de ma pɔ ũ pingi, éǵɔ deme kinano kɔn sa'orinɔ ũ, ma gbē kè aɔɔ ku adonano ũ. Yā kè né o Isarailinɔnen gwe.

Musa pita à gbēnsinɔ sisi, ben à yā kè Dii òne tɔkènné pingi. Gbēno wèàla n pingi wà bè: Yā kè Dii òwe pingi wé ke. Ben Musa gàa à yā kè wà ò tɔkè Diine. Dii bène: Mé mɔ n kiia tesukpe gegete guu, le gurɔ kè méɛ yā'oonne, aɔé ma aɔéǵɔ n naane vī gurɔ pingi. Ben Musa yā kè gbēno ò tɔkè Diine. Ben Dii bène: Ì gá n kiia ò onné aɔ gbāsībo nízindan gbàa kɔn ziaao, aɔ n pɔkāsāano pipi. Aǵɔ ku soru guu ziando, zaake à gurɔ aagɔdee zī mé pita mà ze Sinai kpìii musu baade pingi wáa. Ì tɔɔte lé seeda danné kpìii pì gɛɛzi ai à ligazi pingi. Ì onné aɔ laakarike. Aɔton didi kpìii pìaro. Aɔ gbēke ton ɔkea sero. Gbē kè ɔkèa, wà adee de. Wàton ɔke adeearo. Wà à papa gbɛo ke wà à papa kào wà de. Pɔkādeen yoo, gbēnteen yoo, à gàmɛ. Tó aɔ mà wà kuru pè wà à bà gà, aɔ sɔ kpìii pìzi.

Musa pita kpìii pìà à mɔ à gbēno lè à ònné aɔ gbāsībo nízindan aɔ n pɔkāsāano pipi. À èara à bènné: Àǵɔ ku soru guu gurɔ aagɔdee zī yānzi. Àton dae kɔn nɔgbɛoro. Kè guu dɔ à gurɔ aagɔdee pìà, ben laa e pataa èe pii, ben lou sisi kpìii musu. Kè

aã kuru'ɔ gbãaa mà, ben vĩa gbẽ kè aõ ku bùrannɔ kù ní pingi aõe lugalugaa. Musa bònɔyo bùran à gàányo Luda kiia, ben aõ zè gĩzi kp̄iii p̄i sae. Tesukpe dà Sinai kp̄iila kè Dii p̄ita gwe k̄n teo yãzi. Tesukpe p̄i f̄e lan m̄da tesukpe bà, ben kp̄iii p̄i e nigãnigãa maamaa. Kuru'ɔ gbãaa e kaara. Kè Musa yã'ò, ben Luda wèàla lapatana guu.

Dii p̄ita à zè Sinai kp̄iii mis̄nt̄ea à Musa s̄isi, ben à d̄idi à gàa gwe. Dii bène: Ñ p̄ita ñ kp̄k̄ẽ gb̄ẽn̄zi, aõton v̄i gulela aõ m̄ wà ma gwaro, le aõ paridee ton gagaro yãzi. Baa sa'ori kè aõ s̄maziin̄, aõ gb̄s̄ib̄o ñz̄indan le m̄ton f̄ẽnz̄iro yãzi. Musa bè Diine: Aõé didiro, zaake n kp̄k̄ewazi n bè wà t̄ote lé seeda da kp̄iii p̄i ḡeezi à ḡo n p̄ó ùm̄e. Ben Dii bène: Ñ p̄ita ñ Aruna se ñ suo, m̄de sa'orin̄ k̄n gb̄ẽ kpaan̄ ton v̄i guu baa aõ m̄ ma kiiaro le m̄ton f̄ẽnz̄iro yãzi. Ben Musa p̄ita gb̄ẽ p̄in̄ kiia à yã p̄i ònné.

Dokayã men kurino

Luda yã kekii ò pingi à bè: Mambe Dii a Luda ù. Ma a b̄e z̄obleen Igipiti.

Àtonḡo dii ke v̄i ma gberaro.

·Àton p̄ake taka ke à kue à d̄anzikenero, p̄ó kè ku musu ke t̄otea ke í guun yoo, zaake mam̄ma Dii a Luda má n̄seḡaano v̄i. M̄e gb̄ẽ kè yemaziroon̄ yã zaa wi ní boriin̄ musu ai à gá pe ní sw̄akpeen̄a k̄n ní nasion̄. Gb̄ẽ kè aõ yemazi aõ ma dokayãn̄ k̄inan̄ s̄, m̄eḡo gb̄ẽk̄e v̄inyome ai ní boriia.

Àton mam̄ma Dii a Luda t̄o si p̄ãp̄ãro, zaake gb̄ẽ kè ma t̄o s̄i p̄ãp̄ã mé to à b̄o p̄ãro.

Àgae dɔn kammabogurɔɔzĩ né ma pɔme. Àgae a bura zĩ kɔn a zĩ pingio ke gurɔ swɛedo, à swɛɛplaadee gɔ deare kammabogurɔ ũ, zaake mamɔma Dii a Luda ma pɔme. Àton zĩ ke ke gurɔ pì zĩro, apinɔ ke a nɛgɔgbɛ ke a nɛnɔgbɛ ke a zĩkeri gɔgbɛ ke nɔgbɛ ke a pɔkãdee ke nibɔ kè ku a be. Zaake gurɔ swɛedon ma musu kɔn tɔɔteo kè kɔn isiaao kɔn pɔ kè ku n guuno pingi, ben ma kammabò à gurɔ swɛɛplaadee zĩ. Beee yãnze ma aubarikadà kammabogurɔ pìnzi, má dìe ma pɔ ũ. Àgae beeli a de kɔn a daone, le à gike bùsu kè mamɔma Dii a Luda mée kpaaawaan.

Àton gbɛ dero.

Àton zinakero.

Àton kpã'oro.

Àton yãdi a gbɛdaaaaro.

Àton a gbɛdaaa ua nidero. Àton à nɔ nidero ke à zĩkeri gɔgbɛ ke nɔgbɛ ke à zù ke à zaaki ke pɔ kè à vīnɔ pingi.

Baade pingi lapatana mà kɔn kuru'ɔo, aɔ loupina è kɔn tesukpeo dɔ kpīii musu, ben vīa n kũ aɔɔe lugalugaa aɔɔ ze kãaa. Aɔ bè Musane: N yã'owe nzĩnda, wé ma. Nton to Luda yã'owero, le wàton gagaro yãnze. Musa bènné: Àton to vīa a kũro, zaake kè à a yɔ à gwa yãnzin à m̀zi, le àgɔ à vīa vī bensɔ àton durunkero yãnze. Aɔɔ ze kãaa, ben Musa s̀ tesukpe gegete pizi, guu kè Ludaa kun pìn.

Dii gbāgbāki yā

Ben Dii bè Musane: Ì yā kekii o Isarailinṛṛ: Á mà aẓìndanda lan ma yā'òare zaa musu nà. Àton tãa ke ke à namaro. Àton kondogi ke vura pi tãanṛ ùro. À ma gbāgbākii bo kōn ẽeo à saa'oa kōn sãanṛ kōn zùnṛ, sa'opṛ kè wè ka ten à tekū kōn kennakṛo sa'opṛo. Guu kè má diẽare àgṛ ma sisin, mé mṛ a kiiia mà aubarikadaagu. Tó ée ma gbāgbākii pì boo kōn gbẽo, àton bo kōn gbẽ anaoro, zaake tó a gā pèea, á tò à gbāsì lèn gwe. Àton ma gbāgbākii bo à à didikii kero, le a bũukẽẽ ton ɔɔaaro yānzi.

Vura zuswarene b̀r̀o

Kè gbẽnṛ è kè Musa e pita kpìii musu kpaaro, aṛ kàkṛa Arunazi aṛ bène: Ì fẽe ì tãa kenṛ kewe le aṛ dṛwe ae, zaake Musa kè wa bṛe Igitipi pì, wá dṛ yā kè à à lèro. Ben Aruna bènné: À a nṛgbẽnṛ vura swāinṛ bṛe kōn a nẽgṛgbẽnṛ pṛnṛ kōn a nenṛgbẽnṛ pṛnṛ à mṛome. Ben ñ pingi a vura swāinṛ b̀b̀o aṛo kpà Arunaa. À s̀i à kàsa lan zuswarene b̀r̀o bà, ben à l̀l̀o. Ben wà bè: Isarailinṛ, a tãan ye! Àmbe à a bṛe Igitipi. Kè Aruna è le, à sa'okii bò zù pì ae, ben à kpaakpakè à bè: Dii zĩbaa kuu zia. Kè guu dṛ, gbẽnṛ fèe wà sa'opṛ kè wè ka ten à tekū òa kōn kennakṛo sa'opṛo. Gbẽnṛ vèe wè pṛblee wè imii, ben aṛ fèe wèe pãpãa kèe.

Ben Dii bè Musane: Ì pita ñ gá! N gbẽ kè n bṛnyo Igitipinṛ yàka. Aṛ kè zé kè má ðṛannéa kpakpaa, aṛ vura kàsa tãa ù lan zuswarene b̀r̀o bà, aṛ kùene aṛ saa'òà wà bè, Isarailinṛ tãa kè à ñ bṛe Igitipin gwe. Ben Dii liara à bè Musane: Má è gbẽ pinṛ swā gbāame. Ì gumala le mà a pètẽ fèézi mà ñ kaate, mṛde mé

n boriino ke bita. Ben Musa agbaakpà Dii a Ludane à bè: Dii, bɔyānzin n pētē é fεe n gbēncazi kè n ní b́e Igipiti kōn n gbāa bitao kōn n gāsā gbāaa? Igipitino é be aō kaatena yānzin n ní b́ezi, le ñ e ñ ní dede kpiino musu ñ ní yāa anduna guu. Ñ n pɔfē kpaε ñ yā kè ní yezi ñ pita n gbēncɔa pì bɔ n nɔsen. Ñ dɔ n zɔblerino Ibraī kōn Isaakuo kōn Isarailio yān, zaake ní sinné kōn n kuunao n bè, né ní borii kaara lan sɔsɔnenɔ bà, né bùsu kè n à yā'ònné kpa ní boriinɔa wàgō vī gurɔ pingi. Ben Dii yā kè à bè é pita a gbēncɔa pì bɔ a nɔsen.

Musa èara à pìta kpiia, à doka gbε walaa men plaaa pìno kūna a zī. Yā kēna gbε pìncɔa kpa plaplaa pingi. Luda bé à gbε walaa pìno à, àmbe à yākēmmá. Yɔsua gbēncɔ wiii mà, ben à bè Musane: Ñ zī wii ma dɔ bùran. Musa bè: Zīblena wiii bé à dɔ gwero, wēnda ɔɔɔnan gwe sōro, gbēncɔ lesinan mée maa. Kè à kà kīi kōn bùrao, à è wèe ñwāa zuswaree pì aε, ben à pɔfē. À gbε walaa kè à kūna pìno pāε kpiigεzi gwe, aō wīwi. Ben à zusware kè wà pì pì sè à dà ten. À à tibò, ben à kà ín à kpà Isarailinɔa, aō mì. Ben Musa Aruna là à bè: Bɔn gbē pìncɔ kēnne, gbasa ní tò aō durun bita kè taka kè? Ben à wèàla à bè: Ñton pɔfēro, mare. Ní gbē pìncɔ dō, kè aō zaa. Aōmbe aō bème mà tāa ke ke à dōnné aε. Aō bè Musa kè wa b́e Igipiti pì, wà dō yā kè à à lèro. Ben ma bènné gbē kè aō vura vīino b́e wà mɔo. Kè aō m̀do, ben má kà ten, ben à bɔ zuswarene b̀rɔ pì ũ.

Musa è Aruna tò gbēncɔ e ní pɔyezi keε, ben aō g̀fē fabona pó ũ ní ibεenɔne. Ben à zè bùra gēkiia à bè: Gbē kè aō ku Dii kpaano mɔ ma kuu. Ben Levi boriino kàkōa à kuu. À bènné: Dii Isarailino Luda bè, a baade a fēɛdaa logo à dɔɔɔ bùrazi gule kōn

gulɛo, a baade a gbɛ̃nɔ kɔ̃n a gbɛ̃nnanɔ kɔ̃n a gbɛ̃daaanɔ dɛdɛ. Levi boriinɔw kɛ lan Musa dɔnnɛ nà. Gbɛ̃ kɛ wà n̄ dɛdɛ zĩ pìano kà gɔ̃ɔn bɔɔw aagɔ taka. Ben Musa bè Levi borii pìnɔnɛ: Lan a bɔ a nenɔ kɔ̃n a gbɛ̃nɔ kpɛɛ nà, a azĩnda kpà Diia gbàa, Dii aubarikadàagu gbàan gwe.

Musa agbaakpana Diine Isarailinɔnɛ

Kɛ guu dɔ Musa bè gbɛ̃nɔnɛ: A durun bita kɛ, baa kɔ̃n beeeo mé ɛara mà didi kpìia mà gá Dii kiia dɔ, wègɔ̃ dɔ̃ro ke mé e mà agbaakpanɛare a durun yã musu. Ben à ɛara à gàa Dii kiia à bè: N yã nna! Gbɛ̃ pìnɔ durun bita kɛ, aɔ̃ tãa ke kɛ n̄zĩndanɛ kɔ̃n vurao. N̄ suuke! N̄ n̄ durunkɛnnɛ. Tó lenlo, n̄ ma tɔ gogo takada kɛ n̄ kɛ guu. Dii bènɛ: Gbɛ̃ kɛ durunkɛmɛ tɔn mé gogo ma takada guu. N̄ gá kɔ̃n gbɛ̃nɔ guu kɛ má ònnɛen sa. Ma Malaika é dɔnnɛ aɛ. Baa kɔ̃n beeeo tó ma wɛɛtãmmana gurɔw kà, mé wɛɛtãmmá n̄ durun yãnzì. Ben Dii gagyãa kà gbɛ̃nɔn zùswaree kɛ aɔ̃w tò Aruna pì pì yãnzì.

Dii bè Musanɛ: N̄ fɛɛ n̄ gu kɛ, mpi kɔ̃n gbɛ̃ kɛ n̄ bɔ̃nyo Iyipitinɔ, n̄ gá̃nyo bùsu kɛ má ladà Ibraĩnɛ kɔ̃n Isaakuo kɔ̃n Yakubuo ma bè mé kpa n̄ boriinɔan. Mé Malaika gbare à dɔare aɛ mé pɛare Kanaanɔa kɔ̃n Amɔrinɔ kɔ̃n Itinɔ kɔ̃n Perizinɔ kɔ̃n Ivinɔ kɔ̃n Yebusinɔ. À gá bùsu kɛ zwi kɔ̃n zɔ'io din pì guu. Mɔde mé gáaoro, lɛ màton a kaate zenlo yãnzì, zaake swãgbãadeenɔn a ù. Kɛ gbɛ̃nɔ yã pãsí pì mà, aɔ̃ wɔdɔ, ben gbɛ̃kee e a zãblebɔnɔ da dɔro. Zaake Dii gĩake à yã'ò Musanɛ à o Isarailinɔnɛ à be: Swãgbãadeenɔn n̄ ù, baa tó ma taa'ònyo kɛse do, mé n̄ kaate. Aɔ̃ baade n̄ zãblebɔnɔ bɔbɔ, mégɔ̃ dɔ̃ dian mé

keńyo nà. Ben Isarailino ní zāblebɔnɔ b̀̀b̀, ađe da doro zaa Orebu kp̄ii kiia.

Musa è bisakuta se à gá à dɔ b̀̀ra kp̄e b̄runa k̄n b̀̀ra p̄io fete. À t̄kp̄a kutaa p̄ine dak̄reki kutaa. Gb̄e k̄e ye Dii ȳađi adee è b̄o à gá dak̄reki kutaa p̄i kiia b̀̀ra kp̄e gwe. Tó Musa b̀̀ èe gaa kp̄e p̄i kiia, baade è b̄o à ze a kp̄elea àḡo à gwaa ai à gá à ḡen. Tó Musa ḡe kp̄e p̄in, teluguu è pita àḡo dɔ kp̄elea, ben Dii è ȳa'oo. Tó gb̄enɔ è teluguu p̄i dɔ kp̄e p̄ia, baade è d̄onzike a kp̄e. Dii è ȳa'o k̄n Musao t̄t̄ent̄e, lan gb̄e è ȳa'o k̄n a gb̄enno nà. Musa è eara à su b̀̀ran, m̄ode Nuni né Ȳosua à kp̄asi è b̄o kp̄e p̄inlo.

Dii b̄o à m̄ona Musazi

Musa bè Diine: N bème mà gá k̄n gb̄e p̄inɔ, m̄ode née gb̄e k̄e née daame omero. Àe k̄e s̄o n bè, ní ma d̄o n gb̄enna ù bens̄o ma n p̄onnaa è. Zaake ma n p̄onnaa è, ò to mà n laasuunɔ d̄o sa, le mà e màḡo n d̄o màḡo nnanyo ȳapura. N̄ḡo d̄o k̄e borii kekii né n gb̄enome. Ben Dii w̄eala à bè: Ma w̄eé éḡo teazi mà a gba kammabona. Musa bè: Tó né weetewaziro, ònton wa f̄e k̄ero. Tó née gáwaoro, dian weé e wà d̄o k̄e mapi k̄n n gb̄e p̄inɔ wá nnanyo? Weé wa d̄ok̄zi k̄n bori p̄andenɔ anduna guu diam̄e? Dii bène: Ȳa k̄e ní gb̄ekamaa p̄i mé ke, zaake n ma p̄onnaa è, má n d̄o ma gb̄enna ù.

Musa bè: N̄ n gakui ɔd̄ame. Ben Dii w̄eala à bè: Mé to ma maake pingi b̄o n ae, mé ma t̄o Dii sisi n ae, zaake gb̄e k̄e má yezi mà suukeon mé keo, bens̄o gb̄e k̄e má yezi mà w̄enda d̄onen mé d̄one. Ben à bè: Né f̄o ò ma uu gwaro, zaake gb̄entee é f̄o à weesimale àḡo kuuro. Dii bè: N̄ guu gwa da ma sae k̄e. N̄ ze gb̄e

musu gwe. Tó ma gakui pì e gēε, mé n sɔtɔ gbekotoon mà a ɔɔ kunla ai mà gēte. Tó ma a ɔɔ gònla, né ma kpεε kpaa e sa, mɔde weé fĩ wà ma uu ero.

Gbe walaa dufunɔ

Dii bè Musanε: Ñ gbe walaa ke men plaa lan kaakupɔnɔ bà, mé yã kè ku à kaakupɔ kè ní wìnɔa kēmmá. Ñgɔ ku soru guu kɔngɔ. Ñ didi Sinai kpíiia ñ ze ma aε à misɔntēa. Gbēke ton mɔnyoro. Wàton gbēke e gukea kpíiia pìà sero. Baa sãa ke zù ton mɔ pɔble à gĩzĩro.

Musa gbe walaa à men plaa lan kaakupɔnɔ bà. À fēε kɔngɔ ide'ide, ben à didi Sinai kpíiia à gbe walaa men plaaa pìnɔ kũna a ɔzĩ lan Dii òne nà. Dii pìta tesukpe guu à zè à saε, ben à a zĩnda tɔ sɔsi. Kè Dii e gēε à aε, à a tɔ sɔsi à bè: Dii, Dii Luda wēndadɔnneri suudeen ma ũ. Ma pɔɔ è fē kpaaro, má gbēke kɔn naaneo vĩ bita. Mēègɔ gbēkeε vĩ kɔn gbēnɔ ai ní bori lemme, mé ní yã zaaanɔ kēnné kɔn ní taarinɔ kɔn ní durunnɔ. Mɔde mēè to taaridee bɔ pãro. Mēè denɔ yã zaaa wi ní nenɔ musu kɔn ní dionɔ kɔn ní swãkpεenɔ kɔn ní nasionɔ. Musa dàe a puua à dɔnzikènε gɔɔ à bè: Dii, zaake ma n pɔnnaa è, ñ gáwao. Baa kè gbē pìnɔ swã gbãa, ñ suukewao kɔn wa yã zaaanɔ kɔn wa durunnɔ, ñ wa sε n pɔnɔ ũ.

Luda bà kuuna kɔn Isarailinɔ

Dii bè: Ma bà égɔ kuaomε. Mé yãbɔnsaε ke a pingi wáa kè gbēkeε e a taka ke bori ke guu andunan zikiro. Borii kè aɔɔ ligaaziinɔ é ma yãkena e, zaake mé yã naasidee keao. Àgɔ yã kè má òare gbãa kũna, mé pεare Amɔrinɔa kɔn Kanaanɔ kɔn Itinɔ

kɔ̃n Perizinɔ̃ kɔ̃n Ivinɔ̃ kɔ̃n Yebusinɔ̃. À laakarike! Àton lɛdole ke kɔ̃n bɔ̃su kɛ́ ée gaa gɛ̃n deenɔ̃oro, le àton takutee kpakpa azɛ̃ndanero yānzi. À n̄ sa'okiinɔ̃ gboro à n̄ t̄aa gbenɔ̃ wiwi à Asera linɔ̃ z̄z̄z̄. Àton kue t̄aanero, zaake mamɔ̃ma Dii ma tɔn N̄sɛḡɔ̃aanɔ̃, mɛ̀e n̄sɛḡɔ̃aanɔ̃kpa. À laakarike! Àton lɛdole ke kɔ̃n bɔ̃su p̄i deenɔ̃oro, zaake tó āɔ̃e p̄āp̄āa kee n̄ t̄aanɔ̃ yā musu, āɔ̃e saa'oommá, āé a sisi à n̄ sa'onɔ̃bɔ̃ sońyome. Àton nɔ̃ɔ̃ se a nenɔ̃ne n̄ t̄ero, zaake tó āɔ̃ nenɔ̃gb̄enɔ̃ e p̄āp̄āa kee n̄ t̄aanɔ̃ yā musu, āé to a nenɔ̃ p̄āp̄āa keńyo se. Àton m̄ɔ̃ p̄i t̄aa ũro.

Àgae Buredi Sese'ɛ̄z̄ɛ̄sai z̄ĩbaa ke. Àgae buredi sese'ɛ̄z̄ɛ̄sai so gurɔ̃ swɛɛplaa mɔ̃ɔ̃ kɛ́ w̄e sisi Abibu guu lan má d̄iɛare nà, zaake mɔ̃ɔ̃ p̄i guun a bɔ̃e Igipiti. A daudunɔ̃ né ma p̄ɔ̃nɔ̃me n̄ pingi kɔ̃n a p̄k̄ade nekya kaakunɔ̃ n̄ pingi, z̄u ke p̄ó ketenɔ̃. Àgae zaaki nekya kaaku bo kɔ̃n s̄āao. Tó ée boro, à à waa f̄i à d̄e. Àgae a daudunɔ̃ bo. Gb̄eke ton mɔ̃ ma kiia ɔ̃koriro. Àgae z̄ĩike gurɔ̃ swɛɛdo à kammabo à gurɔ̃ swɛɛplaadee z̄i, baa buwigurɔ̃ ke p̄k̄ɛgurɔ̃.

Àgae P̄ok̄ɛna z̄ĩbaa ke gurɔ̃ɔ̃ kɛ́ a na bura p̄ó kaaku kekɛnaa. Àgae P̄ɔ̃dufublena z̄ĩbaa ke w̄e yāanaa. W̄e kɔ̃n w̄eɔ̃ ḡɔ̃gb̄e pingi gae mɔ̃ mamɔ̃ma Dii Isarailinɔ̃ Luda aez̄i ḡɛ̃n aaḡɔ̃. Mé p̄eare boriinɔ̃a mé a bɔ̃su lé kaaraare. Gb̄eke é a bɔ̃su nii de gurɔ̃ɔ̃ kɛ́ ée mɔ̃ɔ̃ mamɔ̃ma Dii a Luda aez̄i w̄e kɔ̃n w̄eɔ̃ ḡɛ̃n aaḡɔ̃ro. Àton p̄ɔ̃sesena kpama lɛdo kɔ̃n sa'opɔ̃ aruoro. Àton Banla sa'onɔ̃bɔ̃ die guu d̄ɔ̃aro. Àgae gá mamɔ̃ma Dii a Luda ua kɔ̃n a bura p̄ó kaakunɔ̃. Àton bl̄ene nɔ̃bɔ̃ kuku kɔ̃n à da ȳɔ̃'ioro.

Ben Dii bè Musane: N̄ yā p̄inɔ̃ k̄e takadan, zaake ma bà kuunanyo kɔ̃n Isarailinɔ̃ yānɔ̃me. Musa ku kɔ̃n Diio gwe ai gurɔ̃

baplaa fãantẽ kõn gwãavĩo pɔblena sai imina sai. Ben Dii a bà kuunańyo yã men kurinɔ kè gbe walaa pìnɔa.

Musa uu tekena

Kè Musa pìta Sinai kpíííá, à gbe walaa men plaaa kè doka kèa pìnɔ kũna a ɔzĩ. À dɔ kè a uu e tekeɛ aĩ yã'ona kõn Diio yãnzíro. Kè Aruna kõn Isarailinɔ à è ní pingi, à uu e tekeɛ, vĩa ní kũ wà sɔzi. Ben Musa ní sisi. Aruna kõn gbẽnsinɔ èara wà mò à kiia, ben à yã'òńyo. Beee gbera Isarailinɔ sɔzi ní pingi, ben à yã kè Dii diene Sinai kpíííí musu ònné pingi. Kè à yã'ònné à yãa, à satakù a uua. Tó à gè à yã'o Diio, è sáta go le à kpe à bɔ. Tó à bɔ, è yã kè Dii diene o Isarailinɔne, ben aãè e kè à uu e tekeɛ. Musa è eara à sataku a uua le à kpe à gè à yã'o Diio.